

CHRISTVS I V D E X

2


TRAGOE DIA

P. STEPHANI TVCCII
E SOCIETATE IESV.

Sapius habita,

Semper cum admiratione spectata.

*Ex dono em. ac. M. Camilli Maximi
S. R. E. Card. 1675.*





ROMÆ, Typis Nicolai Angelii Finallij 1673.
Superiorum permissu.

Imprimatur.
Si videbitur Reuerendiss. P. Mag. Sac. Pal. Apost.

I. de Angelis Archiepisc. Vrbini. Vicesg.

Imprimatur.
Fr. Raimundus Capisucchius Ordinis Prædicatorum Sacri Palatii Apost. Mag.



Eminentissimo, & Reuerendissimo

PRINCIPI

CAMILLO

CARDINALI

MAXIMO

IOANNES LAURENTIVS LVCCHESINIVS
E SOCIETATE IESV.
Fœlicitatem.



Qctogesima. ferè annus agitur,
Eminentissime Princeps, ex quo
excessit vir immortalitate di-
gnissimus P. Stephanus Tuccius,
cuius mirabilis Tragœdia, quæ
inscribitur, Christus Iudex, editionis cu-
piditatem in plurimis excitauit: at innume-
ra, quibus occupata erat, scriptorum men-
da, ac præsertim implexæ inuicem, & per-
mixtæ scenæ, hanc in omnibus voluntatem
infregerunt. Laboriosâ curâ, nec poeniten-
dâ, coniectando ferè, & hariolando, potius
quàm plures codices consulendo (omnes
a enim

Nuncupatoria

enim corruptissimi erant) Auctoris mentem assequutus, sic deterfi carmen, ac emaculaui, vt ad pristinam integritatem, ac splendorem rediisse tandem iudicari merito possit. Repertum thesaurum publico deberi, & quod egregiè scriptum est, scriptum omnibus, censui: meumque putauì, quod, vt prodesset omnibus, publicum facerem. Deinde cum innumerabilia in me, Tua sint merita, Princeps Eminentissime, cumque, licet vniuersa mea ad Te studia deferam, probè animaduertam, eximix sapientiæ Principis doctrinis omnibus ornatissimi omninò impar esse vètigal quam, Tibi nuper Encyclopædiam consecraui: alieno saltem è censu proferre munusculum decreui, quod non indignum esse reor summa eruditione Tua. Et quoniam immortalitati donare illos nequeo, quibus mea nuncupo, vt Apion de se apud Tiberium Cæsarem gloriabatur (quamquam nec Ipse indiges præsidio nostro, qui Tuarum iure virtutum perennis famæ regnum ingrederis) huiusce opusculi gloriæ, non ante, vt arbitror, interitura, quàm ab ipso descripta suprema rerum humanarum catastrophe tandem exhibeatur, coniungam.

Epistola

etissimū Te penitus esse ambio, dum eidem
è tenebris educto lucē quæro à fulgentissimo
splendore Nominis Tui. Aequitatis aman-
tissimo Principi, quique in ferendo suffragio
præclarè sequitur exemplar diuini Regimi-
nis, consentaneum duxi, Christum Iudicem
repræsentare. Non minus Tibi, quàm Ca-
toni, conuenit nobile illud Marci Tullij
præconium: O te foelicem, à quo rem
improbā petere nemo audet! Qui causâ la-
borat, se Tibi vel amico iudici approbari
posse desperat. Ad hæc Iusta cum omnibus
facis, singulari Deum Religione, Charitate
populum, & incredibili vtramque fortunam
Tuam moderatione prosequutus. Hinc alio
insuper nomine amplissima auspicia Tua
flagitat carmen, quo censura de humano
genere ferenda describitur, quia, cum vi-
ua Ipse sis Principum Sacrorum Idea, ex
ipsa natura, moribusque Tuis leges hauri-
re, & exprimere mores Immortali Iudici
probandos cæteri possunt: ac Tua virtus
eximia dignissimum Te exhibet, qui alia,
etiam iura populis tradas. Interim ve-
rò cum alienæ foelicitatis studiosus vni-
cè sis, Regalis Tuæ Purpuræ patrocini-
o dignaberis carmen, quod saluberrimo ti-

Nuncupatoria.

more viam aperiens diuinæ charitati mirabilem afferet medelam animis laborantibus, qui eam à se, quam malint, in hac Tragoedia personam gerendam esse certò credant. Præsertim verò si mentes irritent oculis subiectæ fidelibus insperatæ conuersiones humanarum rerum miris à Poeta coloribus delineatæ. Quod præstari facili negotio potest, si præter consuetam scenam statuatur aliud tabulatum nubibus obstitum, imminens interiori proscenij parti: neque porrò necessarij sunt volatus, & machinæ, quæ magnos exigant sumptus, aut insolita theatri pictura, præter imaginem vrbis, nemoris, horti, rupium, & ostij tartarei, quæ in promptu esse solent vbicumque tragica spectacula exhibentur. Quorsum hæc, inquiet aliquis, tam prolixè, & ultra epistolæ modum, præfamur cum Sapientissimo Principe, qui consecrati sibi operis prerogatiuas statim animaduertet? Tecum videlicet præloqui audeo, quæ cæteris essent Lectoribus innuenda, quia, eadem scribenti mihi affulget lux Humanitatis & Clementiæ Tuæ, quæ me ad fiduciam colloquij solet erigere. Hac fretus, non prætermittam cæteras eximij carminis lau-

Epistola

laudes, quæ iucundum omnigenæ doctrinæ Tuæ pabulum erunt. Admirabilius nulum huiusce Tragœdiæ argumento excogitari potest, adeoque implexum, patheticum, moratum, miserabile: quas dotes in præstantissima Tragœdia requirit Aristoteles: ideoque cum præclarè doceat præcipuam artem, qua populi in officio continentur, diuini scilicet Iudicis metum, gratissima accedet Illi, qui egregiè callet imperandi artes: & quæcumque ad rectè temperandos populos sanciuere iura Pontifices & Cæsares, complexus animo est: quæ doctrina Illum maximè decet, qui originem ducit à Nobilissimis Proauis, quos Principes, & summos exercituum Imperatores, & Patriæ Patres ipsa olim coluit Romana Respublica, & consequentia deinde secula suspexere pacis, & belli artibus florentissimos. Præter eximiam scientiam Iuris, & Legum, Philosophiæ maximè additus es, cuius præcipua pars Ethica summopere acquiescet in hac Tragœdia, præclarè informante hominum mores. Neque suæ deliciæ deerunt Theologiæ, & cognitioni sacrarum literarum, ad quas perpetuò respicit Vates, inserens carmini
præ-

Nuncupatoria.

præcipua Sanctissimæ fidei arcana , & quæcumque in diuinis voluminibus habentur de supremis mundi temporibus . Hæc quidem omnium ornamenta doctrinarum ita in Te confluxerunt , vt excellas in singulis : quod quidem decus in viro exempto à publicis muneribus eximium spectaretur : at in Principe , qui dignitatem , & gloriam maximis in Christianâ Rempublicam meritis , summisque rebus gestis sit consequutus , prodigiosum videri potest . Sed enim sublimè ingenium , & incredibilis ardor , quo suis perpetuò fontibus inhiantem vidit sapientia , omnibus Te literis irrigauit : cui siti maximam etiam noctis partem sopori ademptam indulges : & ea omnia , quæ semel hausisti animo , perpetuò retines , ac tempestiuè profers ex immenso ærario memoriæ : Vt proinde singulare docentis acumen , historica narrantis elegantia , politica censentis solertia , & suavis eloquentiæ flumen , Urbem rapiat in admirationem Tui . Ad hæc Poeticæ , & illustriū Artiū , quæ illi famulantur , quæque manus , oculosque exigunt ingeniosos , & veteris eruditionis blanditijs caperis . Tuū idcirco in finū sponte sua volat hoc carmē , cuius profectò styli candor

274
eius-

Epistola

eiusmodi est, vt aureum Latij seculum exhibeat: Natiua enim est, non aduentitia eius elegantia, quamque non quæsiuisse precario, sed in illam ius habere videtur Auctor, & potestatem: vbique ampla, erecta, nervosa: spinosa nunquam, austera, obscura: Ideoque repræsentans candidissimum, & elegantissimum Animum Tuum. Quodque in vno Principe Poetarum admiramur, ambitiosum in ea est nihil, ac nimium: Perinde ac in moribus Tuis. Vt omnibus illa, est numeris absoluta, ita in Te mirificus quidam concentus est laudum: vastæ capacitatis Mentis, exacta Prudentia, præcellensque Iudicium, Excelsa Magnitudo animi, Constantia, Grauitas, Indoles Suauissima, & Humanissima, ac plena Pudoris ingenui, ideoque populis omnibus, ac Principibus apprimè grata. Hinc, quoniam ad testimonium, gloriamque maximam, huius Tragædiæ pertinere putavi, Sapientissimi Principis laude ornari, qui non singulorum modò Vatum, sed illustrium etiam Academiarum Apollo sit, rogo, dignitati, ad quam meas nugas prouexit indulgentia Tua, adijcere digneris faustum alienæ virtuti suffragium: ac præstes, vt in Aucto-

cto-

Nuncupatoria .

Etore quoque huiusce carminis gloriari iudicijs Tuis possim. Explicata igitur, & omnium animum serenante Tua illa fronte idem excipe, ac eximia, qua polles, auctoritate tuere. Vale, Princeps Eminentiſſime, & Chriſtianæ Reipublicæ ſœlicitati diutiſſimè Viue.

AVCTORIS ELOGIVM
EX BIBLIOTHECA
SCRIPTORVM SOC. IESV.

PETRI RIBADENEIRAE,

ET

PHILIPPI ALEGAMBE.

STEPHANVS Tuccius, natione Siculus, patria ex oppido Monfort, diœcesis Messanensis, natus anno Domini MDXL. Ad Societatem admodum adolescens accessit Anno MDLVII. Multa illi ad gratiam conciliandam aduersabantur, atas inconstans, generis humilitas, aspectus horridior, consuetudo, moresque penè subrustici, sermo ab eo, quonatus est loco, non abhorrens; acris tamen indoles, multa obruta duritia, tanquam ex fumo lumen erumpens, naturæ impedimenta superauit. Ità summa ipsius latitia in Societatem admissus, prematura virtute in infirma etate, magnæ de se excitatæ expectationi satisfacit. Floruit multis annis inter nobilia suæ ætatis ingenia magno semper sinceræ probitatis exemplo, & multis ingenij, doctrinæque laudibus, Solidis imprimis virtutibus ornatus, patientia præcipuè, & abiectione sui, nulla vnquam suorum commodorum habitata ratione, totum se ad Societatis obsequia, & Præsidi-

dum præscriptum semper impendit . Humanitatis studijs præsertim adolescens ; & arte Oratoria multum claruit, & locum sibi comparavit inter primos, & totos XVI. continenter annos iuventutem hisce literis instituit ; quo tempore omnes Philosophiæ, Theologiæque locos proprio studio, laboreque cognovit . Peritiam verò tantam rerum antiquarum, tum sacrarum, tum prophanarum sibi comparavit, ut clarum illud doctrinæ lumen, & nostræ Societatis ornamentum P. Alphonsus Salmeron, eum per literas de multis, velut oraculum, consulere . Romam eo consilio venit, per causam quidem Theologiæ discenda, verum re ipsa ut quam maximam iuris ad conscientiam pertinentis cognitionem acquireret, quo se studio maximè teneri dicebat; cathedræ verò, aliosque Scholarum plausus non magnoperè admirari . Romæ duobus annis Theologiæ Scholas frequentavit ; & cum ne una quidem litera dictata exciperet, sola attentione, priuatimque inspiciendis Auctoribus, qui indicabantur, ita proficiebat, ut iam tum Magister potius quàm discipulus videri posset . Sic exacto curriculo idoneus habitus est, qui Patavi Theologiam explicaret, doctissimisque viris succederet, cuius de Trinitate commentationes, quas dictauerat, cum typis ipso inscio quispiam mandasset, magni partus ingenij visæ sunt . Post annos aliquot conscientie questionibus præfuit Laureti : ac subinde Romæ studiorum Præfaturam gessit, & Theologiam cum plausu docuit, Magni Suarii Collega. Multi Magnates, & Romanæ Curie Antistites, & Purpurati, ipse etiam Romanus

Pontifex Clemens VIII. illius & operâ, & doctrinâ ad difficiles quæstiones multùm usi sunt. Sæpe Congregationibus Cardinalium iussus est interesse: Rector etiam præfuit Collegio nostro Pœnitentiariæ, quo in munere omnes optimi Præsidis numeros absolvit. In tanto rerum gestarum splendore quantâ fuerit animi demissione haud facillè potest explicari. Omnino se iudicabat indignum, quem bonitas diuina respiceret; quanvis interim firmâ fiduciâ speraret, salutem se divinâ misericordiâ consecuturum. Porro edomandi corporis, animique rebellantes motiones comprimendi fuit impensè studiosus. Aiebat, malle se mori, quàm sinistri quidquam in consilio suarum rerum admiscere. Multis annis indumenta nunquam exuit, nisi corporis verberandi causâ. Nudis asseribus in unâ inuolutus lodice cubavit ad quietem. Victum communem, mensurâ semper eâdem moderatus; cum semel in die tantùm cibum sumeret, noctu tenuem quamdam sorbitiunculam ex vili, & inscito oleris decocto, cum vini haustu ad conciliandum somnum accipiebat. Noctibus singulis acriter se verberabat, & ab humeris ad pedes descendendo, rursusque à pedibus ad humeros ascendendo, novum semper locum ictibus quærebat. Cilicium thoracem, cum aliquando febris laboraret, ne in ipsâ quidem exuit morbi contentione. Somnum non plus horis quinque capiebat. Totidem quotidie horas divinæ precatiōi tribuebat, semper de genibus in medio cubiculi, nullo subnixus fulcro, neque vlla unquam animi, sensuumque sterilitate à proposito sibi spatio orandi defecit. Quinque ferè prius annis

quàm decederet è vitâ, rerum pertasus humanarum, factâ à Summo Pontifice copiâ, receptui cecinit, atque in Tusculanam quietem concessit; in quo secessu latentem quæsiuit Clemens Octauus, & perhum initer inuissit, reuertitque plenus admiratione, & documento virtutis. Demum continenti, diuturnâque mentis contentione ita se labefecit, ut ipse urbano ioco semi se cadauer appellaret. Subinde circa ceruices informis illi natta succreuit, quæ minùs quinquennio suâ mole capitis magnitudinem exæquauit. Puluillis, ligneisque, ac ferreis fulcillis, variè subindè excogitatis, atque inter humerum insertis, enorme illud pondus sustinebatur, eratque impedimento præter cætera ad quietem, cum situs aptus nullus inuentretur acclinando corpori, quin eo pondere contracti nervi fauces comprimerent, suffocarentque. Igitur aut nixus genibus lecto incumbens, aut pronus è transverso lecto in sellulæ ad id paratæ brachia porrectus vicumque conquiescebat. Tandem ubi humores verti cæpere in putredinem, nervos, ac musculos infecerunt, nervi cerebrum vitiarunt, quod eo malo irritatum contrahabatur, simulque nervos, qui circa collum tenduntur, contrahabat, ex quo aspasma cum intolerando cruciatu ciebatur; quod gulam contrahens, respirandi difficultatem faciebat. Eò res ad extremum devenit, ut os diducere nequiret, aut quidquam mandere, & epiglottide ab radice contractâ, ne liquoribus quidem infusis ali posset sine certo suffocationis periculo. Idcò ad vitam eius, quoad fieri posset, retinendam, calidorum odore panum & coctarum carniùm, spiritus eius

tenuiter recreandi fuerant . Ergo certus erat in oculis
interitus , quem tamen etiam anteuertit compressione
faucium semper se magis intendens neruorum contra-
ctio, e xtinxitque virum inter tot, tantaque mala ad-
mirabili æquitate animi, sui semper compotem, ac Ie-
sum , ac Mariam ingeminantem , victo ceterum dissi-
mulatoque dolore, Romæ die XXVII. Ianuarij Anni
salutis MDXCVII. ætatis LVII. Religionis XL. sub
Euerardo Preposito Generali quatuor olim vota Pro-
fessum. In funere factus est impetus ad Viri Sãcti re-
liquias vellendas: capillus omnis, & barba rescissa,
amiculus lineus, & bona pars togæ lacerata; carnem
etiã non nemo furtim decerpfit. Omnium una vox erat,
beatum illum depradicantium; quibus grauissimum
addidit auctoritatis suffragium Clemens VIII. Sum-
Pont., qui ubi eum intellexisset mortem oppetisse:
Ergo, inquit, demum mortuus est Sanctus . Expressa
coloribus post mortem vultus eius effigies est, & vir-
tutes ipsius publicâ oratione laudatæ. Voluminis iusti
res esset, quæ patientiæ, fortitudinis, & æquanimittatis,
amoris in Deum, & duriora in dies patiendi docu-
menta dederit, referre. Sed erit de his aliàs dicendi
locus. Scripsit Stephanus Tuccius

Chronicon ab orbe condito ad Christi Natiuitatem.

Orationes item plurimas;

Dramata, & actiones Sacras, Heroico carmine com-
positas, inter quas obtinet principatum CHRI-
STVS IVDEX, sæpius cum admiratione specta-
ta: & alia id genus multa;

Disputationes varias de Theologicis, Philosophicis-

que rebus, quæ in controuersia versantur.

Ingens volumen disputationum aduersus nostri temporis Atheistas. Sed hæc per mortem limare Stephanus, ac perpolire non potuit. Editæ sunt tamen ipsius.

Orationes tres, una ad Gregorium XIII. Pont. Max. cum inuisset Collegium Romanum. Altera

In funere eiusdem Gregorij XIII: quæ propter elegantiam typis sæpe euulgata est. Tertia

De Christi Cruciatibus, habita ad Gregorium XIII. anno MDLXXXIII. , quæ nuper cum alijs aliorum eiusdem argumenti recusa est: uti & altera habita ab ipso ad Sixtum V. anno MDLXXXVII.

Prodiit etiam ipso inscio

Tractatus de Trinitate, quem Patavij olim dictauit in scholis, tulitque magnam commendationem.



PROLOGVS.

9

S Aluete Patres Purpurâ illustis cohors ,
Salue corona reliqua, Romuleum genus:
Vobis Iambus hanc salutem nunciat;
At vbi salutem dixerit, cedit loco,
Reliquasque partes carmini Heroo dabit .
Poeta si quis clarus inter vos sedet ,
Nouum putabit, arbitror, tragicos pedes
Spoliari Iambo, nec sub Archilochi metro
Grandes cothurnos magnam in orchestram dari.
Verum rogamus, ne quis id nouum vocet,
Quod docuit ille Peripateticus senex
Author lycei primus, & Poeticæ
Magister artis, qui Tragædis, & Epicis
Commune ius in carmen Heroum dedit .
Id ille tradit, id sagax ratio docet .
Etenim cothurnos, & leues soccos iubent
Vinciri Iambo, quod familiarem gerat
Speciem loquendi, & verba meditandi catus
Dissimulet artem. Rata quidem hæc, & firma sit
Comædiæ lex, sit eadem Tragædiæ .
Confurgat at si dramatis quoddam genus
Cognatum Iambo, quod tamen recipit graues
Reges, Dynastas, Cælitæ, Proceres, Dcos,
Grandi sonantes ore, cur non spiritu
Sonet altiore? Cur ab Heroi arceat
Metri boatu Principes, Satrapas, Duces?
Quos sponte fufus sermo non adeo decet
Rebus in agendis, vt queant afferre nil
Domi paratum. Sed, tenendum esse, inquires,
Viam priorum, mos quibus nunquam fuit

Pro:

Prohibere Iambum Tragicæ ab Orchestræ foris.
Planè id fatemur: cum tamen captis nouis
Nec ratio prudens, nec deest auctoritas,
Non veteris æui spectat vsum, sed sui
Sapiens Poeta, & tempori seruit libens
Popularis artifex: Iambus autem erat
In honore priscis, qui magis cum sedulò
Mufis vacarent, hos Poetarum modos
Non aure solùm metiendum duxerant;
Sed arte certa, sed seueris legibus,
Natura rerum, & dramatum quas sanxerat.
Nunc autem Iambi perijt & pretium, & lepos:
Si namque Medicos, Rethores, Dialecticos,
Si Philosophorum, si Theologorum exedras,
Iurisque Consultos rogas, non vspiam
Sint, quos Iambi numerus insuauis iuuet;
Quòd & solutæ orationis artibus,
Et blandiente carminum caret sono,
Paucos Poetas eximas, tum cæteri
Odere Iambum, carmen Heroum probant.
Iam si neque ars, neque ipse Aristoteles verat,
Nostro hæc voluptas inuidenda seculo est?
Sunt alia quædam scita, quæ quondam Ethnici
Sanxere vates; sed neque hæc decreuimus
Seruanda ad vnguem: nam profanis legibus
Quis posse subiacere res sacras putet?
Humana quis sub iura Christum Iudicem
Hominum coerceat? Quiritum concio,
Si non habes hic Sophoclis artes, quas probes,
Disces at artes, quæ tibi ora Iudicis
Pacata reddant. Sed gementem Ecclesiam,
Fauete linguis, audio: cedam loco.

A C T V S I.

SCENA PRIMA.

Ecclesia Dei .

Illa ego tot populos æterno enixa parenti ,
 Felixque antea alias fecundo viscere matres ,
 Frigida nunc senio, atq: effætis languida membris,
 Excidia, & clades cogor deflere meorum.
 Tu Pater Indigetum, cui vincla iugalia seruo ,
 Casibus in duris ades, & solare gementem.
 Tu me coniugio primis dignatus ab annis
 Formoso in nemore, & vernanti in sede locaras .
 Otia tunc fuerant, superamque datura quietem
 Alta quies, & pax æternæ pignora pacis.
 Nec mora longa fuit: qui me genuere, parentum
 Crimine rapta quies, & pax in prælia versa est :
 Mutatique lares patrij (qualentibus aruis .
 Ergo me profugam dum terra hostilis habebit ,
 Arma manu tractanda mihi , repetendaque (æuo.
 Marte quies: & quos duxi sine cladibus annos ?
 Ecqua meis vnquam caruerunt secula bellis ?
 Nondum exempta lues: onera & grauiora minatur,
 Maioresque acuit rapido Rex impius iras (1)
 Pectore . Tempa dabit flâmis, populabitur agros,
 Ex imo noua iura feret, noua Numina conderet:
Vbera,

*1 Erit tunc tribulatio magna , qualis non fuit ab initio
 Mundi usque modo neque fiet. Matth. 24.

Vbera, queis populos alui, sædare veneno
 Certabit, septemque mihi quæ balnea Coniux
 Struxerat, eluere vt labes, & crimina possem,
 Deijciat: rapiet torques, auroque micantem,
 Qui mihi coniugij pignus datus anulus hæret,
 Atteret. Heu quanto spumabunt arua meorum
 Sanguine: quot gladio, subita quot morte cadêtes
 Respiciam, miseranda parens? Heu barbarus ensis
 Natorum quoties lacerabit funere matrem?
 Parce metu, mea progenies: neu tempus in vllum
 Cede malis: dabit & vires, & præmia vester
 Digna Pater. Vos vos miseros, qui talia genti
 Fata meæ, tantosque pijs inferre labores
 Audetis: multo vobis grauiora luendum.
 Exitia, & cædes in vos iurabit Olympus,
 Mot. que implacido frendens immugiet orbis.
 Pallida nox rapiet solem, nec sidera reddet.
 Grandine tecta ruent, & torto fulmine colles:
 Sæuiet horrendû pelagus: vaga flumina lymphas,
 Astra diem, fruges tellus auersa negabit,
 Et rapidis tandem confident omnia flammis.
 Maxime tu Iudex hominum, qui proximus instas,
 Tu casus solare meos, tu fontibus æquas
 Redde vices, meritosque meis pro cladibus ignes.



S C E N A S E C V N D A.

Recedente Ecclesia Sancti clamant ad
Christum in Cœlo.

Abel, Abraham, Petrus, Christus, Michael.

Abel. **R**EX hominum, & Summo Proles æquæ-
ua Parenti,

Qui nos in patrijs tecum confidere regnis,

Æternaque iubes vnâ tibi dicere laudes,

An modus vllus erit votis, precibusque tuorum?

Flecte oculos, precor, & terris pia lumina fige, (1)

Nate Deo. Quid adhuc cineres, atq; ossa piorum

Squalida morte iacent, tristisque fluentia tabo?

Quorum alia aut scopulis illisa, aut merfa sub
vndas

Pontus habet, congesta alijs sunt saxa sepulchrû,

Pars data præda auibus, vim pars experta fe-
rarum

Vel latet in scopulis, vel olenti ex arbore pēdet.

Ergo etiam postquam gladios, Regumque
furores,

Verberaque, & gla. iem, & rapidos superauimus
ignes,

Primus ego ante alios, hic squalor nostra ma-
nebat

Corpora? Iam tandem finem, ô Regnator
Olympi,

Pone

1 Posuerūt morticina Seruorum tuorum escas volatilibus
Cali, carnes Sanctorum tuorum bestijs terra. Psal. 78.

Pone malis : sua sit requies, ac præmia fessis (1)
 Artubus, & dignis nostra hostes funera pendant
 Funeribus : quid adhuc terris erramus inulti?

Abr. Ipse etiam cinis exiguus, canosaque pulvis,
 Pauca loquar. Tandē post multos vidimus annos
 Desponsam populis nostra de stirpe salutem:
 Vidimus ex Erebi tenebris erepta piorum
 Millia, tartareosque duces in vincla petitos
 Vidimus, & Cæli reaseratas vidimus arces.
 Gratulor, atque habeo grates, & carmina dico.
 Vna mihi reliqua est, animosque vna illa re-
 mordet

Cura meos, quod cū nostro tu sāguine cretus (2)
 Nullam non foueas gentem, contemnis & arces
 Habreas, ciuesque tuos. Æquumne carere est
 Nostros, quam reliquis ipsi peperere, salute?
 Quod si certa meis spes est post vltima mundi
 Secula, da spatijs saltem breuioribus annos
 Currere, da celeri fatalia tempora cursu
 Præcipitent: ne longa dies mea fata moretur.

S. Pet. Iam satis oblectata mari, Boreæque furenti
 Nostra ratis, satis & diuturnis militat annis.
 Ostensum satis est, nullas obistere vires (3)
 Consilijs potuisse tuis: nunc ponere fessos
 Arma iube, & fidus referat sua præmia miles.
 Contra age, debella Reges, populosque nocētes
 Qui

1 *Vsquequo Domine Sanctus, & verus non iudicas, & non vindicas sanguinem nostrum de ijs, qui habitant in terra?* Apoc. 6.

2 *Cæcitas ex parte contingit in Israel, donec plenitudo gētium intrauerit, & sic omnis Israel saluus fiat.* Rom. 11.

3 *Et porta Inferi non praualebunt aduersus eā.* Matt. 16.

Qui tibi nec sacra thura ferūt, nec Numen adorāt
Aut sanctas violant non dignis moribus aras.

Contempserē Patrē, timeant modo Iudicis iras.

Chri. O Socij, mecum clades, mecumque labores
Perpeſſi, ò dilecta cohors, pars altera noſtri
Peſtoris, haud equi dē veſtris obſiſtere mens eſt
Optatis: iam dudum eadem me cura ſub alto
Corde premit: rata vota dabo, quæ ſupplicē
dextra

Funditis; At ſubeūda prius manet vltima clades,
Spargendus cruor, & cernix feriēda piorū eſt. (1)

Venturus falſo ſimulat qui nomine Chriſtum,
Qui circum terras, & qui maria omnia circum
Et face, & aduerſis noſtros exerceat armis.

Poſtquam illum fatali adigam ſub Tartara telo,
Haud lōgè eſt ſuprema dies: nec plura morabor.

Huc Michael.

Mich. Adſum Michael.

Chri. In pallida Ditis

Mēnia verte gradū præpes, geniūq; rebellem, (2)

Quem dederam vinclis ſub Tartara mille. per
annos,

Solue: aditūq; aperi ad Superos, vt numine læuo

Tranſuer-

1 Videte ne turbemini; oportet enim hæc fieri, ſed nondum ſtatim finis; ſurget enim gens in gentem, & Regnum in Regnum; & tradent vos in tribulationem. Math. 24.

2 Vidi Angelū deſcendentē de Cælo habentē clauem abyſſi & catenam magnā in manu ſua, & apprehendit draconem Serpentem antiquum, & ligauit eum per annos mille, & cum conſumati fuerint anni mille, ſoluet Satanā de carcere ſuo, & exhibit, & ſeducet gentes, quæ ſunt ſuper 4. angulos terræ. Apoc. 20.

Transuersos rapiat populos, mundiꝑsupremum
Incohet interitum.

Mich. Properè mandata faceſſo.

S C E N A T E R T I A.

Cœlo clauſo deſcendit Michael ad ſoluendum
Acherontem Satanam.

Michael, Acheron.

Mich. **I** Am ventum ad fauces Herebi: ſqualen-
tia cerno

Oſtia: ter noſtra pulſentur cuspide poſtes,

Et ruat aduerſum conuulſo cardine limen.

O quem Tartareus bis quina in ſecula vinctum

Carcer habet, cæcis, Acheron, caput effer ab
vmbriſ.

Ach. Me miſerum, ad quæ fata vocor? Cladeſne
luenda

Maior adhuc? Specus an ſubeunda immanior,
vlla eſt?

Mich. Pone metum; neque enim nunc ad grauiora
vocariſ

Exitia; imò aditus Superùm tibi liber in orbē eſt:

Egreſdere, & circum nexiſ te te exue vinclis:

Magna tibi datur à Mundi Reſtore poteſtaſ,

Regna hominum, & maria, & gentes agitare
quietaſ:

Terra um cape ſceptra, atq; hiſ interrituſ aude,

Quæ liuor, quæcumque fuſor, quæcumque libido

Suaſerit.

Ach. Haudquaquam inuituſ tua iuſſa capeſſo.

Iam tâdem datur in populoſ rabiemq; luemque
Spar-

Spargere: iam quater exitijs, & cladibus vrbes.
 Agnorint homines: quanto cum Principe iungāt
 Bella, gematque meis concussus viribus orbis;
 Sed quis erit mihi de multis, qui cępta fatelles(1)
 Nostra iuuet, peragatq; libens, quę pectore verso
 Consilia: Hebręa quondam de gente futurum,
 Qui Libertino fuerit Genitore creatus, (2)
 Fama est, qui scelere, atq; infandis omnia bellis
 Misceat: hic mihi nunc opus est, hic protinus,
 hic est
 Quærendus, Babylon vbi celsas erigit arces.

SCENA QVARTA.

Antichristus, Acheron.

Acheron erigit Antichristum ad spem Regni.

Ant. **E**Rgone Christigenum fastus, populumque
 superbum

Hebręi patimur? Patimur per templa, per aras
 Tot simulacra coli, & mentitum numina Iesum?
 Heu gentem inuisam, & verę pietatis alumnis
 Exitiale genus, vos Regum sceptrā tenetis,
 Vos, vos indigna geritis diademata fronte?
 Vester honor, vestri fasces, & Regia vestra est?

B

Ad

1 *Fiat Dancoluber in via cerasse in semita mordens ungulas equi, ut cadat ascensor eius retro Gen. 49.*

2 *Postquam Acheron Babylonem peruenit hebraum adolescentem reperit in agro solum, qui futurus erat Antichristus: priuatum tunc quidem, sed multa Christianis minantem. Futurum autem antea priuatum significat illud Danielis 11.*

Et stabit in loco eius vilissimus, & indignus decore Regio, & veniet clam, & obtinebit Regnum in fraudulentia.

Ad vos imperium, ad vos iam delata potestas
 Romulidum? nos huc deiecti culmine Regni
 Infames, profugi, ignauum sine nomine vulgus
 Exilijs agimur, patrijsque erramus ab oris?

Ach. Incensum iuuenem furijs, & multa querentem
 Audio; sed nostro conspectu territus hæsit:
 Nunc pugilem intentat gladium, ferroque minatur.

Ant. Quisquis es, absiste hinc procul, & vestigia
 retrò
 Verte celer.

Ach. Nec vim, iuuenis, nec noxia cuiquam
 Tela fero; nihil hic opus est gladioue, minisue;
 Quin potius me dante feres, quæcumque rogabis:
 Quod nomen tibi, quod genus est?

Ant. Ego nomine Saulus,
 Et genere Hebræus, nostræque ea gētis origo est.

Ach. Acta mihi res est, tu votis ipse petitus
 Omnibus; Vt video, iuuenis non indole segni est.

Ant. Sed tibi quæ Patria est, quæ gens?

Ach. Ego noctis opacæ

Arbiter, umbrarumque potens, ego Rector Auerni.
 Ne paueas: rectè tecum est: hæc culmina mōtis
 Ascende, atque omnes latè circumspice terras.
 Hic Notus, hic Boreas, gemina hæc est regia
 solis.

Horum ego sum Deus, ac rector: si tu mihi
 supplex

Ad genua accideris, tu rerum iura mearum
 Accipies: tradam pelagi, & telluris habenas.

Ant. Nulla mora est, cur te regnorum, aurique potentem

Non

Non venerer, si das præsertim in prælia vires,
Quæ iam dudum animus versat.

Ach. Quibus arma minaris?

Ant. Christigenis.

Ach. Ipsdem iam pridem ego bella, luemque
Molior, hos ipsos aduersis prosequor armis;
Hæc inimica mihi totum gens vna per Orbem.
Vade age, cōmunemq; luem communibus armis
Aggredere:

Ant. Vnde mihi bello delecta iuuentus?

Vnde cohors? qui miles erit?

Ach. Faxo, omnia cedent

Pro votis. Ecce auri, atque æris millia pondo (1)

Quæ tibi sub terris longo seruantur ab æuo:

His tecum populos, his his ad nostra maniplos

Castra trahe: quos non aurū tua sub iuga mittet?

Ant. Hebræosne etiam?

Ach. Certè tua signa sequentur

Hebræi, si te mutato nomine Christum (2)

Dixeris, illū, inquam, magni quē Rex or olympi

Hebræo generi primis promisit ab annis.

Ant. Nulla fides erit, & fingi sibi somnia credent.

Ach. Facta fidē faciēt: hæc nostri insignia Regni (3).

Sceptra cape, his animos inferno ex orbe ciebis,

His terram quaties, his & iaculaberē nimbos,

B 2

Et

1 Dominabitur thesaurorum auri, & argenti. Dan. 11.

2 Ego veni in nomine Patris mei, & non accepistis me, si alius veniet in nomine suo illum accipietis. Io. 5.

3 Et dedit illi draco virtutem suam, & potestatem magnam, & fecit signa magna, & se ducit habitantes in terra propter signa, quæ data sunt illi a cere in conspectu bestiarum. Apoc. 13.

Et subitas per inane faces ad viminis ictum :
Ipse adero, & tecum quæuis miracula rerum (1)
Perficiam.

Ant. Placet : in virga, atque in vimine sacro
Præsidij satis est.

Act. Si quos nec facta mouebunt
Prodigia, & maleuada fames non vicerit auri,
Hos adige in tormenta reos, extremaq; rerum (2)
Exempla; ante alia ex patria tibi gēte Tribunos,
Armorūq; Duces statue, atq; in prælia mitté. (3)
Sed primum Solymas dux improuisus in arces
Castra moue, & subitis trepidā terroribus urbem.
Belloq; imperioq; preme; hæc tibi regia sedes. (4)
Hinc subiges reliquas demisso milite gentes.
I sælix, leue non pretium est ingentibus ausis.

S C E N A Q V I N T A.

Recedit Antichristus : interim Hierosolymis duo
signa ostenduntur aduentantis Antichristi
prænuncia.

*Symeon Sacerdos Christianus, Sephron, Arab
Viri Populares.*

Sym. **P** Roh quàm mæsta dies, & quamquam nu-
bila Cælum
Nulla tegunt, & adhuc astrorum lumina fulgent,
Lux

1 Et datum est illi bellum facere cum Sanctis, & vince-
re illos. Apoc. 13.

2 Et docti in populo docebunt plurimos, & ruent in gla-
dio, & in flamma, & in captiuitate, & in rapina. Dan. 11.

3 Emitteret manū suam in terras, dominabitur in omnibus
pretiosis Aegypti, & per Lybiam quoque, & Aethiopiam
transibit, & figet tabernaculum suum, &c. Dan. 11.

4 Datum est gentibus, & Ciuitatem sanctam calcabunt
mensibus quadraginta duobus. Apoc. 11.

Lux tamē inuisa est, circumque expalluit æther .
Sed tonuit Cœlum. Quò se pulcherrima Virgo
Extulit ? Et solis radios induta, coronam (1)
Fronte gerit contextam astris, pedibusq; superbis
Et lunam premit , & parientis more puellæ
Horrendum gemit .

S C E N A S E X T A .

Videntur prodigia cœlitus delapsa.

Ecclesia Dei .

Heu quam difficili rumpuntur viscera partu !
Quantus dilacerat membra recussa dolor !
Tu Pater omnipotens , & qui potes omnia coniux,
Progeniem foueas, pignora nostra, tuam.
Immanis labor est : tua me nisi dextera tollat,
Et matrem, & sobolem mors dabit vna rogo .
Quin & acerba fremēs in me Draco guttura laxat,
Inque vterum spirat dira venena meum.
Da mihi Cælicolas, da sæua in prælia vires ,
Da Superūm gladijs pestis abacta ruat.
Seph. Ecce aliud mirabile visu !

Ingens è Cœlo septem capita extulit anguis, (2)
Lucida fidēribus totidem, atque horrentia denis
Cornibus: en caudā subitos dum toruus in orbes
Implicat, auulsa astrorum pars tertia Cœlo est.

B 3

Adfunt

1 Signum magnum apparuit in Cœlo. Mulier amicta Sole, & Luna sub pedibus eius, & draco stetit ante mulierem, quæ erat paritura, & postquam vidit Draco quòd proiecclus esset &c. Apoc. 12.

2 Et vidi de mari bestiam ascendentem, habentem capita septem, & cornua decem. Apoc. 13.

Adfunt Cælicolæ : gladijs, & fustibus anguem
Præcipitem Cælo rapiunt . Heu quos super agros
Hoc monſtrum ruet? hinc fugite ò iuuenesque
ſeneſque.

Sym. Nos miſeros in quam cladem, in quæ tempo-
ra rerum

Seruati ſumus? heu quæ Cælum fata minatur?
Iam tandem redeunt Diuina oracula vatum ,
Diraque fatidicis toties repetita Sybillis,
Signa fidem accipiunt, & certo certa probantur
Euentu? Sed quis fragor hic? quæ tanta virorū
Heu fuga?

Arab. Continuo in ſyluas, nemorumque reſeſſus
Diffugite, ò Ciues ; ingens ſe ſe æquore tollit
Bellua, quæ tumidis ſeptem ceruicibus horret :
Ore leo eſt, Vrſum plantis, & corpore Pardum
Reddit : vbi à tanti monſtri feritate latendū eſt?

Sym. O Socij, agnoſco auſpiciū, Mundique ruentis
Interitū; Iam iam ille aderit, qui nomina Chriſti
Arroget, atque aliam legem, & contraria noſtris
Iura feret : nunc obniti, nunc ſtare neceſſe eſt:
Nunc lacrymis opus ad Superos , nunc pectore
firmo.

SCENA SEPTIMA.

Antichriſtus hortatur ſuos Milites ad Hieroſo-
lymam occupandam .

Antichriſtus, Gamaliel Dux eius :

Ant. **A**rmorum ſatis eſt, ſat multæ in caſtra co-
hortes,
Sat multi coiere Duces . O viuida bello

Pe-

Pectora, nunc spectanda fides, nunc Martia virtus:
 Exiguus labor, at pretium non vile laboris
 Quemque manet: recta Davidis mania bello
 Appetimus. Sed iam fors invida nequa moretur,
 Famam in finitimas aliam vulgauimus oras,
 Scilicet has mitti Turcarum ab Rege cohortes
 Me Duce, queis redigam sub Thracia iura Dynastas
 Ethyopum: facile est mandata imbellia Regum
 Mentiri cera, ac tabulis: munita sub Urbem
 Castra dabit, tutam Proregis epistola noctem,
 Quam modo confecta Solymo pro Consule misi.
 Ast ubi murorum vigiles nox atra monebit
 Obijce ferratos postes, ac tollere pontem,
 Extemplo ruite, & caesis custodibus urbem
 Incautam, vino madidam, somnoque sepultam
 Opprimite, ac mea signa efferte ex menibus altis.
Gam. Adsumus: en capita, atque animas in tela parati
 Obijcere: en vallos extructasque aggere fossas.
 Circum castra damus. Verum quod cymbala, quod tot
 Nabia pulsa crepant?

S C E N A O C T A V A.

Bogud missus à Præfide Hierosolymitano munera
 defert Antichristo, qui iam sub Urbem consti-
 terat.

Bogud, Antichristus.

Eog. **S** Alue, metuenda potestas
 Threijcij Regis: Solymæ qui præsidet aulæ,
 Annuit huic urbi, ac tectis succedere, quando
 Hæc dona, hæc fideique & amoris pignora mittit.
Ant. Dona libens capio, memoriq; in pectore seruo.

At lux cum primum terris se crastina reddet,
Vestri succedam sub amicas Præsidis arces.

SCENA NONA.

Vigiles vrbs colloquuntur ex mænibus.

Arbel, Seth Custodes, Gamaliel.

Arb. **N**Ox tacita humentem iam dudum obnu-
bit olympum,
Et iubet occludi postes.

Seth. Nihil amplius, Arbel,

Cunctandū est: vetæ, & robora dura paremus.

Gam. Constrepuere fores, vigiles ad limina cerno.

Quæ mora, fida cohors? celeres erūpите castris,
Ferte citi gladios, ferroque inuadite valuas.

Arb. Quò furor hic, iuuenes, quò tela infertis,
& hastas?

Gam. In cædem ruite, ò Socij: nunc ense farendū est.
Primum ipsos vigiles laceret falcata bipennis.

Arb. Veh, miseris quæ tanta lues, quæ turribus altis?

Veh Solymo generi: properate ad mænia ciues:
Hostis adest, strictoq; ruit mucrone per urbem.

Gam. Tendite nunc volucres arcus, nunc spicula
neruo

Mittite: nunc Solymas, palantiaq; agmina telis
Sternite: nec plebi, aut populi primoribus vllis
Parcite, dum nostras Aquilas, & signa vereri
Discat Hebræa cohors, Regi; obstitere Christo.

S C E N A D E C I M A.

Irrumpunt Portas Milites, & simulāt pugnare intra
Vrbē: post egreditur Gamaliel ad Antichristum.

Gamaliel, Antichristus, Iubal, Lamech.

Gam. SAT flammis, ferroque datum, Rex maxime
Regum :

Omnia cæde natant. Quos nōdum perculit ensis,
Vnanimes tibi sceptrā ferūt, sacraꝝq; Thiarā.

His itaque ignosci iubeas : ea turba superstes

Muniet, implebitque nouis tua castra manipulis.

Ant. Parcimus, & quia iam Solymas infedimus
arces,

Victrices Aquilas reliquū mittamus in Orbem.

Hebræas tibi iunge manus, fortissime Iubal,

Aruaque Threiciꝝ penetra Bizantia Regis :

Illa supremus Graiorum Antistes in vrbe est,

Talia cui mandata refer: Sacer æthere ab alto (1)

Christus adest, Solymamque tenet Rex maxi-
mus urbem.

Hic missus Genitore Deo est, vt cogat in vnum

Reliquias Solymi generis, populūq; potentem

Romulidum, & quocunq; sitas sub sydere gētes :

Tu quoq; da socias dexteras, nostrūq; Pelagos

Mitte sub Imperiū, Turcamq; hortare Tyrannum,

Faxit idem supplex : quod si parere recusat,

Hoc, Iubal, ferro aggredere, & quate mania

bello

Iub.

1 Et data est illi potestas in omnem tribum, & po-
pulum, & linguam, & gentem & adorauerunt cum omnes
qui inhabitant terram. Apoc. 13.

Iab. Perficiam dicto citius.

Ant. Fidissime Lamech,

Eoo simulæ aurora affulserit orbi,

Compitaq; & totam cōple clangoribus urbem;

Et refer, aduenisse hebræo ex sāguine Christū: (1)

Templum adeant omnes, vbi me cælestia iura

Mandantem excipiant.

Iam. Populos ad templa vocabo.

Ant. Tu quoque, Gamaliel, cui non est frigida bello

Dextera, coge tuas acies ex gente Syrorum,

Pontificemq; mone Romanū, vt subdat habenis

Seque, suosque meis. Quod si mea iussa superbus

Detrectet, Latias admoto milite turres

Demolire ferox, Urbemque excinde Quirini.

Gam. Exequat hæc, quæcumque iubes, Sanctissime
Princeps.

CHORVS PROPHETARVM.

Flemus extremos hominum labores,

Flemus in finem properantis æui

Funera, & iam iam quatienda sæuo

Regna tumultu.

Vltima en orbem lacerant ruentem

Fata, quæ nostri tripodes caneant.

Æmulus Christi populos, & arces

Obsidet armis.

Heu quis insanam rabiem Tyranni, (2)

Quis truces bello fugiat cohortes?

Nudus hinc illinc furit, & per vrbes

Fulminat ensis.

Sed

1 Et abuietur tēplo Christianorum, quod est Hierosolymis.

2 Et brachia pugnantis Populi expugnabuntur a facie eius, & conterentur, & superabit in modico Populo. Da. 11.

Sed quid hos demens agitas furores ?

Arma quid Diuis inimica verfas ?

Non ruent vllis agitata bellis

Castra piorum .

Regiam Christi bene firma cautes

Substinet ; non has metuit procellas ,

Non timet,quamquam cumulata plenis

Fulmina nimbis .

Cymba, quam pontus, zephyrique iactant,

Fluctuat ; sed non superanda fluctu est .

Quo ruat casu, pelagi potentem

Nacta magistrum ?

State ; nil, Christi soboles, timendum :

Author ad pugnam Deus est, & idem

Militi fesso meritos in astris

Reddet honores .

Finis Actus Primi .

ACTVS II.

SCENA PRIMA.

Sacerdos detegit dolos Antichristi .

*Lamech, Gad Viri Populares, Antichristus, Acheron,
Salatiel Sacerdos Christianus .*

Lam. **C** Langite nunc lituis , huc cogat buccina
plebem .

Gad. Quid tuba , quid rauco monuerunt cornua
cantu,

Heu iuuenes ?

Lam.

Lam. Iam iam ad sacras Rex maximus aras

Venturus, vos hinc venientem cernite Regem
Iam taciti, intentique animis audite loquētem.

Ant. Accipite ò ciues, animisque aduertite vestrīs
Quæ referam. Rex Hebræis promissus ab æuo est,
Qui mortis rabiem frangat, qui tollat Auerno
Exuias veterum Patrum, Cœlique recludat
Ostia, qui scelerum, & primæuæ viscera culpæ
Abrumpat, latèque omnes dominetur in oras.
Hunc prisca Reges, hunc optauere priores
Cernere, nec licuit: vobis hoc munere tanto
O ciues, gaudere datū est; quid plura necesse est?
Non mentē ancipiti suspensā ambage tenebo,
Ille ego sum: Deus hanc vobis me ferre salutem
Iussit, & id clara testatur voce per auras:

Ach. Filius hic meus est, hæc est Patris vnica Proles.
Hunc animis audite pijs, & pectore casto.

Sal. Non equidem tua, non equidem me vana mo-
uebunt

Somnia: nec quicquid ferijt fallacibus auras
Vocibus, Eumenidum Princeps, responsaq. finxit
Digna Deo: ne vos, socij, vestigia patrum
Linguite: præcepta, & monitus retinete priorum.

Ant. Taliane infandis animis, atque ore volutas,
Improbe? tanta tibi ventosæ audaciæ linguæ est?
Tundendum colaphis monstrum.

Sal. Quæcunque minēris:

Christum ego nō alium noui, nec noscere fas est.
Non alium, nisi quem dispersis arbore palmis
Respicio morientem, & culpas morte piantem,

Ant. Insignem memoras Christum, & te numine
iacas

Egre-

Egregio, delire senex, quæ nam tua mens est?

Quid potes ex illo tutam sperare salutem,

Qui nequijt capitique suo, capitique suorum

Tortorû rabiem, & miserandam auertere cladē?

Sal. Quæ probra, quæ nostro iactas cōiicia Christo,

Hæc decora, hæc laudes, hæc sunt insignia gentis

Christigenæ. Christum illum, quamquam extre-
ma ferentem

Supplicia, & flagris lacerum, nulloque leuatum

Auxilio, haud vllæ vires, haud fœdera Regum

Haud stygiæ potuere manus depellere templis,

Haud spoliare Dei cultu. Stant nomina Christi,

Stat pia Relligio, & mansuræ in sæcula leges.

Ant. Quis furor hic? quæ te demens insania versat?

Non vires horrere meas? non cedere nostris

Imperijs? grauias, ô iuuenes, intendite palmis

Vincula, dementi excutient tormenta furorem.

Lam. Heu quem turba hominem collatis subuehit
vlnis?

Quó miserum trahitis, cur Sancti Regis ad ora

Nolentem trahitis?

Gad. Tu Rex miserere furentem.

Ant. Agnosco luctantem animam, quā dira coercet

Tisiphone; huc hominem trahite, atque hîc si-
stite fessum.

Ille ego quem summo Genitor demisit Olympo,

Ægris Tisiphonem iubeo discedere membris.

Lam. Quam subito positus furor, & rabida ora
quierunt?

Huic verè Pater est, Cœli qui temperat arces.

Sal. Haudquaquam, socij: non hoc à Numine
Diuûm est

Conscijs at Pluton, & amica peregit Erymnis.

Ant. Hæccine tu, scelerata lues? Ea crimina Christo
Obijcis? hos iugulos, hæc colla tumentia vinclis
Comprimite, & summo funem suspēdite trunco.

Sal. Lætus ego & funē subeo, & suspendor in auras.
Hinc Cælum aspiciam, superasque propinquior
ædes.

Te Phlegeton manet, vltricesque in secula flāme.

Ant. Tollite, ne diro terrasque hominesque veneno
Imbuat; ille tuus te nunc ad sidera Christus
Erigat.

Sal. O miserum certè: Et tua templa vereri
Inuitos adigis, pœnisque ac funere versas?
Falleris ò demens, alia ratione furendum,
Et melior tentanda via est: Quó plura minaris,
Quó letho dederis plures, maioribus omnes
Viribus obnixi patrias tutabimur aras,
Fundemusque animas pro relligione parentum.
Quot tuus ex nostris vita spoliauerit ensis,
Æterni totidem reparabit dextera Regis.

Ant. Tene etiam insanire iuuat? Vincite furentem,
Nudate illi humeros, reuocate in terga lacertos
Et latera & dorsum totis infigite loris.

Sal. Iesu ades, & validas in verbera suffice vires.

Ant. Iesum proclamas: depellat verbera Iesus.

Sal. Iesum ego sub flagris, vnum sub carcere Iesum
Imploro: hac vna solabor voce dolorem:
Non hoc ore mihi excuties, non pectore nomen.

Lam. Ecce autem iuuenis pheretro, stipāte corona,
Effertur, passis sequitur de more capillis
Mater, sæmineoque vlulatu sidera pulsat.

SCENA SECVNDA.

Falsis prodigijs Antichristus famam sibi conciliat.

Dina; & Cæteri.

Dina. **M**E miseram! cui me genitricem linquis habendam,

Nate, tuam? Quid adhuc vitales demoror auras
Me tecū trahe, & in tumultum fundamur eundē.

Ant. Siste, parens, gemitus: vos huc frigentia mēbra
Ferte, viri; viden hunc inopina morte iacentem
Salatiel? viden, extinctum florente iuuenta?

Experiare licet, valeas si Ditis ab antro
Sublatum iuuenem in gremium reuocare Parētis

Sal. Non opus est, tentare iterum miracula rerum.

Talia multa satis quondam gessere priores,
Quę modo tu figmēta canis; quę dogmata fingis,
Hęc tu prodigijs firma: hęc munire necesse est
Arte noua?

Ant. Imbellem dextram, virōsque negatas
Dissimulare paras: non hęc tibi tuta manebunt
Effugia, o quotquot iuuenile ad funus adestis,
Huc mentes, huc ferte oculos. Attolle pheretro
Membra, puer, superaſq; veni rediuius ad auras.

Lam. Quāta viri virtus, quantū est in pectore numē!
Audijt ex Erebo vocem, pheretroque reſedit
Mortuus.

Sal. Haudquaquam falles, o callida pestis.
Non viuit puer; at gelidos infusa per artus
Tisiphone simulat voces, animamque receptam.
Sed fugiet procul hinc audito nomine Iesu.

Ant. Non flagris victa est rabies? In colla securim

Sol.

Soluite, discerptumque hominem ceruice reuulsa
In flammis trahite, & cineres ludibria ventis
Spargite, iam properate: sequar spectator, &
vltor

SCENA TERTIA.

Inopes, & cæci de Antichristo colloquuntur.

Isachar, Galad.

Isachar. **A** Vdistin quàm magna ferant de Principe Christo,

Qui visus pridem in terris, & corpora soluit
Eumenidum furijs, & manes euocat Orco,
Artusque examines vitali robore firmat?

Gal. Audiui, atq; vtinam illius contingere vestes,
Osculaque angustis liceat desigere plantis.
Tu pedibus rectis, ego claro lumine sælix.

Isac. Quin etiam largis illum, atque ingentibus
aiunt (1)

Diuitijs cumulare suos, inopesque leuare
Effusis opibus.

Gal. Si non hæc vana feruntur,

Quærendus nobis summis conatibus hic est.

Isac. Quod nobis erat in votis, Deus attulit vltro.

Ecce tubas video, video procedere longo
Ordine liatores: ipse est, quem quærimus, ipse est.

SCE-

1 Multiplicabit gloriam, & dabit suis potestatem in multis, & terram diuidet gratuito Daniel. 11.

SCENA QVARTA.

Redit in scenam Antichristus.

Ant. **G**audendū, Socij est! Aspirāt Numina ceptis.
Ad Græcos Dux missus adest, & læta re-
portat.

Sed quid turba inopū mēsto clamore reposcunt?

Omnes Dexter ades miseris, pedibusque, & lumine
quatuor captos

Auxilio solare tuo, mitissime Princeps.

Ant. Creditis æthereo genitum me sanguine Chri-
stum?

Omnes. Credimus.

Ant. Accipite, haud dubia quæ mente petistis. (1)

Omnes. Sole frui tandem, atque optato lumine Cæli
Fas est, & firmo vestigia figere gressu.

Mel. Ouafრံ scelus! huic Acheron oppressa tenebat
Lumina, tartareoque pedes substrinxerat astu.

Idem etiā soluit miseros, quos ante premebat.

Ant. Corripite, & radijs hominem torquete rotarū.

Ille tuus docuit mentiri talia Iesus

Affuetus plebi, faciliq̃ue illudere vulgo!

Pauper erat, vitamque dolis, stygiaque tueri

Arte potens, sed me tanti non criminis vllus

Arguerit, qui largus opum, qui plurima forti

Sceptra manu quatio, qui magnos æris acervos

Effundo in Populos: Tu nunc, fidissime Datan,

C

Aurum

1 Cuius est aduentus secundum operationem Satana
in omni virtute, & signis, prodigijs, mendacijs 2, Thel,

Aurum, Sardonicas pateras, & pallia circum

Hic spargitur aurum d' Datan.

Sparge solo, miseræ prædam, & solatia plebi :

Pop. O Regē æthereū, & redolentes numine mores

Ant. Tu quid ad hæc ? An ne hæc vnquam, gessisse

Magister

Dicitur ille tuus?

Melch. Longè maiora gerebat,

Cum paut nemore in vasto tot millia vulgi

Solus, & innumeræ suffecit fercula plebi :

Non tamen est largitus opes, non sceptræ, nec
aurum :

Sæpius illa etenim duro mortalia nexu

Corda premunt, spoliantque bonis cœlestibus:
hæc tu,

Hæc largire tuis; neque enim melioribus illos

Diuitijs cumulare potes. Tu munere plebem

Côcilia, & populos, qui te, & tua iussa sequantur

Argento redime, haudquaquam placitura sine
auro.

Iesum quem veneror, non aurum, aut miles in
Orbem

Intulit; at morum pietas, delapsæque Cœlo

Prodigia, & vates, & legis diua potestas.

Ant. Quanta fuit; scopulis Dathan, atque ensibus
ora

Tunde viro, luat vt meritas amentia pœnas.

Melch. Quò tot fremitus, improbe tortor ?

Lætus colaphis expono genas,

Et sanguineis lanianda rotis

Nudata libens pectora trado.

Tu qui placidæ numine dextræ

Frangis pelagi, Cœlique minas,
 Vim fulmineam frange rotarum ,
 Et tela feri disijce Regis :
 Discat fracta mente Tyrannus
 Maiora suis arma vereri .
 Discant Solymi, non iure suo
 Quales quales fingere Christos .

Ant. Abripite, & magica versantem fraude ruinas
 Dilacerate feris, lacerumque absumite flammis .
 Sed Iubal redit Inachijs festinus ab Argis .

Iub. Magnanime ô Princeps, & Hebræę gloria gētis,
 Graiorum Antistes multis te lætus ab annis
 Accipit optatum , & dextras coniungit amicas .

Ant. Gratulor: Ausa Deus cursu fortunet eodem
 Cætera : Tu, Caynam, geminis incisa tabellis
 Præcepta, & Cœlo demissas accipe leges ,
 Et celer euulga in populos , qui legibus istis
 Parere abnueriint, facibus, ferroque peremptos
 Demittas Erebo .

SCENA QUINTA.

Christus, Raphael.

Chr. **V** Olucres celer excute pennas
 In nemus Elisium, Raphael, placidosque
 recessus ,
 Seruat vbi incolumes felix mihi collis ab ævo
 Thesbitemque senem , atque annis iuuenilibus
 Enoch ,
 Ioannemque, meas qui leges, facta, laboresque
 In tabulas retulit, misitque in sæcla nepotum .

Hos nemus aerium, dulcesque relinquere sedes
 Admoneas: vitam repetant, curasque priores.
 Et contra stygiæ scelera, & noua crimina pestis,
 Testentur vulgo in cunctas mea nomina gentes.
 Ad superos illis demum via facta patebit
 Per gladios.

Raph. Subeo imperia, & per nubila cursum
 Corripio.

S C E N A S E X T A.

Postquam ad Paradisum peruenit Raphael,
 clamat ad tres Prophetas.

Raphael, Enoc, Elias, Ioannes.

O Clarum Iubar, & tria lumina mundi,
 Ostia felicitis Raphaeli pandite sylux.

Eno. Latus ades superæ decus haud ignobile gētis.
 Quæ tibi causæ viæ?

Raph. Cœli qui sidera torquet,
 Vos iubet è nemore, ac latis excedere campis:
 Venit summa dies, veteresqua voluere casus,
 Antiquosque opus est iterum superare labores-
 Extrema illa lues haudquaquã incognita vobis
 Iam pridem furit, & latè bacchatur in orbem.
 Hoc lethale malum, reliquas ne serpat in oras,
 Comprime, & populis infandam auertite
 pestem.

Sed ferro subiget vos postquã in fata Tyrannus,
 Vltima stat vestro requies, pretiumque labori.

Eno. Quæ tibi, qui nutu terras, cœlumq; profundū
 Ex-

Excutis, æqua satis nunc est pro munere tanto
Gratia ? quod fido, ac memori de pectore nun-
quam

Excidimus tibi, qui nostras defendere terras
Auxilio, dextraque paras, Regemque superbum
Imbelli frænare manu. Tu dexter in omnes
Euentus ades, & dubijs ne defice rebus .

Ioa. Mene etiam socium summis adiungere rebus
Christe, potes? Tâto famulum dignaris honore?
'Adsum : tu quæcumque velis, calumque, labo-
remque
Obijce .

Eli. Iam tandem pro religione tuenda
Bella iubes optata Deus : certamina lætus
Ingredior, sæuos assuetus vincere Reges .
Auspice te nûc in medium, mora nulla, ruamus
O socij : in primis horrenti membra cucullo
Nostra premi decet, & sedari puluere crines (1)
Corripiamus iter. Diuûm Pater ausa secundet.

SCENA SEPTIMA .

Populus Prophetas veneratur.

Nautan, & Ruben Indai :

Naut. **Q**Uod genus hoc hominum, quæ nam hæc
hærentia dorso
Carbasa ? quæ tristis macies ? quis pallor in ore ?

C 3

Elias. Ice-

¹ *Prophetabunt diebus mille ducentis sexaginta annis
saccis, Apoc. .c. .ix.*

Elias. I celer, & totam effuso clamore per urbem
Huc ciues, matresque voca. Dic, æthere ab alto
Aduenisse viros, Superum mandata ferentes.

Naut. Qua vos gente latos referam? quo nomine
dictos!

Tēporis haud huius, sed priscæ ætatis alumnos?

Elias. Thesbites ego sum.

Enoch. Longæuum iunior ipse

Matuselem genui.

Ioan. Zebedæi ego filius alter,

Quem proles veneranda Dei magis omnibus
vnum

Dilexit, fouitque finu.

Naut. Proh qualia Diuūm

Nomina! dirigit trepida formidine pectus.

Huc huc effusi certatim accurrite ciues,

Huc pueri, trepidique senes, huc quicquid in
vrbe est.

Ruben. Quid rerum est? quo nos tantis vlulatus
vrges?

Naut. Admiranda fero, seclisque incognita nostris.

Vidi ego cælestes animos, æuique prioris

Heroes: vidi maciem, squalentiaque ora.

Ecce adfunt.

Elias. Solymi o ciues quid mentibus hæret

Attonitus stupor, & dubiæ sub pectore curæ?

Hæbræi sumus, & priscorum ex ordine vatum,

Quos toties Deus in perituri funere mundi

Mittendos iterum vobis, iterumque videndos

Promisit: nos diuinæ tria tempora legis

Emensi triplici vitæ æquauimus æuo.

Ruben. O vatum decus, o prisci clarissima secli

Lumi-

Lumina saluete, & pedibus date figere vestris
Oscula.

Enoch. Nequaquam, ó socij: mortalia nondum
Aut membra, aut vitia exuimus: deflere ruinas
Venimus, hebræasque vices; aduertite mentem.
Quæ vos Tisiphone, qui vos furor impius egit,
Nescio quem generi Iudæo adsciscere Regem,
Atque hunc dignari folio Dauidis, & aula?
Huic adolere focos, huic vietas tendere palmas?
Cælicolum ille parens, & qui regit omnia, multis
Misit ab hinc annis fœcunda ex Virgine Chri-
stum:

Vos illum oppressumque dolis, & crimine falso,
Pallidaque informi suffixum brachia trunco,
Militibus sæua lacerandum morte dedistis.

Heu scelus, heu rabiem insanam! non tâta vereri
Numina? non ora, & sacros horrescere vultus?
Non vestro generi, cui non parcere vestro?

Testor ego Superos, & cœli conscia testor
Numina, non alium vobis in sæcula Christum
Mitteudum, nec vos aliam sperare salutem.

Vos iuga quæ superi maduistis sanguine Regis
Imploro: vos vos excusso ponderemontes
Intremite, atque meis nutanti vertice dictis
Annuite.

Pop. Iud. Heu miseri quænam fuga tuta manebit?

Enoch. Quò gemitus, quòue hic præceps vlulatus ad
aures?

Pop. Penitet heu scelerum. Parce, ó Sanctissime
Iudex.

Elias. Nil agitis: grauis hæret adhuc sub pectore
tabes

Nec dum animis exempta lues . O ferrea gentis
Corda ? nec exitijs domita, aut terroribus vllis.

Vobis missa salus fuerat: per vestra vagatus (1)

Arua Deus, prolesque Dei, vos prima decebant
Iura in cœlicolum sedes, & Regna piorum.

Sed vos & scelus, & Christi turpissima cædes .

His mersere malis, & fatis debita vestris
Sceptra nouis iam sunt transcribi iussâ colonis.

Victrices aquilas Princeps Romanus in urbem
Intulit, infesto populatus milite tures :

Rapta quies populo, sublatis Regis honores,
Templa æquata solo, fœdèque excussa verendis

Sacra focus: & qui Christi non sceptrâ tulistis
Vnius, innumeris vos nunc fortuna fatigat

Imperijs: quænam tolerari funera possunt,

Quæ fingi grauiora ? nec vnquam optata da-
buntur

Ocia; ni Regem, cui sceptrâ dedistis inermes,
Vestra manus iugulet, perdatq; in tartara fontē.

Tu Pater Indigetum, qui torques omnia certo
Numine, tu præsens vera hæc, quæcumque mo-

nemus. (2)

Numinibus testare tuis: nunc nubibus ignes
Excute, nunc auras flammanti diuide telo .

Populus. Vrimur infœlix vulgus: volat ocyor euro
Flamma rapax: heu siste faces, & fulmîna vates.

Ioann. Par-

1 Vobis oportebat primum loqui verbum Dei, sed quoniam repellitis illud, & indignos vos iudicatis æternæ vitæ ecce conuertimini ad gentes. Act. 13.

2 Si quis voluerit eis nocere, ignis exiet de ore eorum & deuorabit inimicos eorum: habent potestatem percutere terram omni plaga quæquæcumque voluerint Apoc. 18.

Ioan. Parcimus: absistant flammæ, miseresceamus
vltro.

Iam tandem scelus antiquum, veteremque
furorem

Oderitis, veniam dabit idem Reſtor olympi,

Quem vos effuſo temeraſtis ſanguine Nati.

Illum ego funeſto vidi ſub colle trahentem

Difficiles obitus, indigno vulnere vidi

Transadigi latus, & lacerari cuſpide palmas.

Immeritoſq; pedes. O nūquam audita parentum

Vestrorum rabies, & inexaturabile peſtus,

Quod non relligio, aut pietas innoxia Chriſti,

Non caſti monitus, non tot miracula rerum,

Non & pēnarum victrix patientia fregit.

Sed vos, ò diuū ſoboles, meliora ſequuti

Conſilia, atque animos, maiorum facta piate,

Atque in monte, crucem qui Chriſto erexit,
eidem

Instaurate focos.

Pop. Sequimur, quocumque vocatis.

SCENA OCTAVA.

Abeuntibus tribus Prophetis, & Populo poſt eos,
quam primū Zarham Dux Antichriſti rem
totam ei nunciat.

Zaran, Antichriſtus.

Zar. **O** Lux terrarum, Rex ò ſate ſanguine diuū
Tres dudum ſtyx atra viros (vt credere
fas eſt)

Edidit

Edidit in lucem, nulli ante hæc tempora visos.
 Hi maiora tuis hebrææ numina plebi
 Euulgant, legesque tuas, atque acta reuellant.
Ant. Pone metum, Zarhan, vosque istam mittite
 curam :

Mecum erit iste labor: lunatis agmina peltis
 Coge, Saleph; atque in triuijs, totamque per
 urbem
 Quasitos huc siste viros.

CHORVS SYBILLARVM.

HEV, quis armorum furor in Tyranno est?
 Sa uit intorto similis colubro,
 Inque diuorum iugulos ab alta
 Sibilat arce.
 Cur datum monstro lacerare diuos?
 Cæde cur vatum temerare dextram?
 Magne cur rerum sator in tuorum
 Funere cessas?
 Plura sed posthac minimè licebunt
 Sontibus: cedes furor impiorum
 Victus, & pones male vendicatas
 Orbis habenas.
 Iam satis longo rabies nocentum
 In mare, & terras dominatur æuo.
 Nunc Deus fontes Erebo coercens
 Sceptra reposcet.
 Ipse, qui ferro est populatus aras,
 Cæde qui diuûm scelerauit enses,
 Cœlitum longè meliore dextra
 Concidet iæus.

Or-

Orbis in fontes, scelerumque pœnas
Mugiet : iam iam reboabit imis
Sedibus ponti fragor, & rubescent
Sanguine fontes .

Frugibus raptis viduabit auster
Arua; nutabit tremefacta tellus :
Decident colles, valida fatifcent
Grāndine syluæ .

Horridus crebris facibus tonabit,
Et dabit nimbos pluuiosus æther :
Atra nox cælum, rutilosque cœli
Occulet ignes .

At ruent ignes alij per orbem,
Queis mare, & tellus putris in fauillam
Concident ; has has meruere clades
Facta nocentum .

ACTVS III.

SCENA PRIMA.

Saleph vinc̃tos Prophetas sistit Antichristo .

Saleph Dux Antichristi .

Antichristus, Enoch, Elias, Ioannes Euang.

Sal. **E**N tibi, Rex inuictæ, viros ante ostia templi
Deprensos , magna in plebis patrumque
corona .

Ant. Tan:

Ant. Tantane vestrarum vobis fiducia rerum est?
 Non veriti infensis mea facta ac numina dictis
 Carpere? non plebem tanto miscere tumultu?
 Vos ausi, vos arte noua mutabile vulgus
 pellicere?

Eliar. Haudquaquam moliri talia mens est.
 Quam tu ipse intuleras potius depellere pestem
 Venimus.

Ant. His credo promissis pectora vulgi
 Mulcetis: sic & laudem captatis, & auram.

Enoch. Ista quidem tua sint, his tu latere repertis.
 Nos victu exiguo, & rudibus per mēbra lacernis
 Contentos, non hæc vexat scelerata cupido,
 Iesum nos potius cēli, terræ que potentem,
 Tu cuius delere paras, ac tollere nomen,
 Quærimus: huic laudes canimus, Solymamque
 per urbem
 Illius æthereas leges, ac iura tuemur.

Ant. Gratulor hunc equidem vobis placuisse Ma-
 gistrum;

Non vos degeneres, vestræ neq; Principe gentis
 Esse sinam indignos: eadem fortuna, luesque
 Stat vobis, eademque manent suspendia trunci.

Eliar. An fors, an fatum nobis optatius vllum est?
 Quam venerāda sacripendere ad brachia ligni?
 In quo Rex hominum, & nostræ spes fida salutis
 Nos scelerum exoluit vinclis, & Tartara fregit.

Ant. Exoluit ne alios, domuit quem stipite vinctum
 Tortor, & inuitum? Qualem, pro numina
 Christum

Fingitis imbellem, lacerum, sine viribus vllis,
 Consilijque inopem.

Enoch. Quam

Enoch. Quam rectè oracula Vatum

Nota tibi? Quæ nā monumenta, ac dicta priorum
Non his plena malis? non Christo tota vetusta s,
Pauperiem, clades, cædemq; & vincla minatur?

Ioann. Inuitum domuit tortor? cui talia narras?

Cui mentiris? habes, qui te, & tua dicta refellat,
Ipse ego tunc aderam præfens, ipse omnia certis
Hausi oculis; potuit tantos adijsse labores

Inuitus? Quem non Solyma reuocauit ab vrbe
E socijs vllus in funera certa ruentem?

Quem nobis toties cædis loca, tempora, mo-
rem [1]

Carnificumque genus memini prædicere, & illū
Quo versante dolos scelerato proditus hosti est!
Voce sua quoties cessantem in vincla cohortem
Hortatus? quoties armatos fudit inermis!

Ant. Si fuit ille Deus, non cæde, aut sanguine fuso

Indiguit; nutu, aut dextra fregisset Auernum
E reptosque homines cæli in supera alta tulisset.

Elias. Æquo iure Deus, quā dextra, aut viribus vti

Maluit: id melius: neque lex diuina ferebat

Conscelerata hominum sine pœnis facta piari.

Pignora sic nostræ multo maiora salutis

Attulit, & magnum erga homines testatus amo-
rem est.

Ant. Vana canis: festi potius temerata diei

Relligio his illum pœnis, & funere merfit.

Enoch. An vetuisse Deum festis benefacta diebus,

Stulte, putas? Fas est pecudem seruare ruentem,

Non hominem? Quod si meritas pro crimine
pœnas

Ille

Ille dedit, cur hanc cædem non passus inultam
Omnipotens Deus? Infandis cur stragibus urbē
Diripuit?

Ant. Non latronis dignissima cædes.

Excidio fuit: at vires, & dextera gentis
Romulæ.

Ioann. Cur non fessæ Deus adfuit vrbi?

Ille suos nunquam vexari hostilibus armis,
Exitijque tulit, magno nisi crimine læsus;
Hebræos primum impietas fraterna subegit
Exiliumque pati, & Pharias descendere in oras.
Aureis in sylvis vitulus quot funera iusto
Ense dedit nemore in vasto: tum tertia clades
Ingruit ex acie Assyria pro sanguine vatum;
Quarta lues hæc est, qua non immanior vnquam
Vlla fuit: non hæc equidem sine numine Diuum.

Ant. Hæc ipsum excidium illius mendacia damnat,

Ridiculamque fidem: templi reparare ruinas
Spondebat: Quæ vos iterum delubra videtis
Surgere? (1).

Elias. Post triduum sospes sua membra recepit;

Hæc etenim delubra sibi instauranda canebat,
Non ex cœmentis, aut secto marmore molem.

Ant. Anne hæc in triuijs narras! non ille reuixit,
A Patre qui moriens dura se in morte relictum
Clamabat.

Enoch. Recte est. Pater illum nostra lucentem
Crimina deseruit: lacero sed corpore postquam
Expendit scelerum pœnas, & pace sequestra
Hu-

— 1 Soluite Templum hoc, & in tribus diebus excitabo
illud. Ioann. 2.

Humanis supera, & terras coniunxit Olympo,
Dignus honos illi stabat, mansuraque vitæ
Præmia.

Ioan. Quin etiam lueret dum funera cœdis,
Non illum penitus Pater alto à culmine cœli
Destituit: subita rapuit caligine solem',
Emisit tumulis cineres, terramque labantem
Excussit, scidit & magni sacra lintea templi,
Prodigij(que alijs miseranda in morte dolorem
Testatus, tandem vitæ ad meliora vocauit
Munera, quem sæuo lacerandum liquerat hosti.

Ant. Si vitæ incolumis, supero si redditus orbi est,
Cur non & populis rediuiuo in corpore visus?
Cur non spectandum se se dedit ille per vrbes?
Sic factò manifesta fides, ac fama perennis
Accessura fuit.

Elias: Non hæc spectacula vulgo
Præbēda, aut totum fuerāt vulganda per orbem.
Staret certa fides, meritę sed munere laudis,
Et pretio caritura fuit: non corpore corpus (1)
Viderunt Solymi, at si mens non læua fuisset
Numina viuentis poterant agnoscere Christi;
Vertice de cœli se præbuit ille videndum,
Cum resides animos, & inertia corda suorum
Egit in aduersos firmato pectore Reges.
Quis populos, domitumq; vnus legibus orbem
Supposuit? cui Roma caput, sedemque verēdam
Imperij, & Latio deuictas milite gentes
Submisit? Quid tot referam miracula rerum
Edita per populos, per templa, & strata viarum?

Ant. Non

1 Non omni populo, sed testibus præordinatis à Deo.
Apo. 10.

Ant. Non equidem inuideo : longè maioribus
ausis

Insignis fortuna mea est; si prælia iactas,
Si domitas vrbes , quæ gens tam barbara vires
Non experta meas ? memoras si sparsa per
vrbes

prodigia; hæc sedes, hæc templa, hæc compita
circum

Prodigijs sunt plena meis .

Elias. Tu mēnia ferro

Deiicis:agminibus aduersis agmina tundis:

Et telis in tela ruis. Verum ille nec armis

Arma, nec infensas infenso milite turmas

Insequitur: populos & Reges ductor inermis

Edomuit. Sed adhuc potuisti fingere demens

Prodigia, hæc nobis cur non spectantibus audes?

Ant. Nil moror , huc hominem exanguem, phere-
troque iacentem

Sistite:quæ mea sint videatis numina faxo:

Quisquis es, ò Iuuenis, loculo miserabile corpus
Tolle celer .

Elias. Procumbit adhuc : maiore vocandus
Voce fuit .

Ant. Non dum clamantis numine Christi
Membra leuas , quicumque iaces?

Elias. Huc lumina, ciues ,

Huc oculos, iam fas simulatū agnoscere numen.

Iam patuere doli .

Ant. Vos immedicabile virus

Eumenidum , vos & stygij portenta Tyranni,

Arcetis magico redeuntem carmine vitam.

Non impune quidem: vestro commissa luetis

San-

Sanguine; Gamaliel, iugulos, & colla securi
Percute; dediscant rapta ceruice furorem.

Elias Nil agis: hæc nobis requies, hæc tempora
longo.

Exoptata die; sed non moriemur inulti.

Nec te longa manent sceleratæ gaudia cœdis.

Ense, miser, grauiore cades.

Ant. Pertundite fontes

Verberibus, lacerate genas, impellite palmis,

Comprimite os rabidum, capulis vrgete molares.

Canunt morituri.

Enoch, Helias, & Ioannes .

Quas tibi laudes meritas canemus
Magne terrarum, Pelagique Re&or,
Qui iubes nostræ diuturnæ vitæ
Vincula solui.

Iam diem profers toties vocatam,

Et modum longo statuis labori:

Iam tuis nostros iugulos securis

Immolat aris.

Tu pater diuûm, tibi quas sacramus

Victimas nostro madidas cruore

Accipe, & fessos refer in perennis

Ocia Regni.



SCENA SECVNDA.

Edictum post obtruncationem Prophetarum
Laynam.

A Vdite ò Solymi Ciues: non audeat vllus
Corpora cæsa virū medijs de sedibus vrbis
Tollere, sed rapidis iaceant inhumata ferarum
Morsibus: id summus domiti Rex imperat
Orbis.

SCENA TERTIA.

Antichristus ante cadauera inhumata ambulans,
superbè gloriatur ac furit.

Antichristus, Zorobabel.

Ant. **E** Rgo sustulimus stygiam spirātia tabem
Monstra virūm, miseroque infanda ex-
cussimus Orbi
Seruitia; ad nostras tandem cecidere secures
Indociles iuga ferre animi: iacet improba cer-
uix. (1) Nunc

1 Cum finierint testimonium suum, bestia, quæ ascen-
dit de abyſſo, faciet aduersum eos bellum, & occidet eos, cor-
pora eorum iacebunt in plateis. Apoc. 11. Et post dies
tres, & dimidium spiritus vitæ à Deo intrauit in eos, &
steterunt super pedes suos, & timor magnus eecidit super
eos qui viderunt eos, & ascenderunt in Cælū innube, & vi-
derunt illos inimici eorū, & in illa hora factus est terramo-
tus magnus. Apoc. 11.

Nunc etiam cineri iuvat insultare nocentum.

Zorobabel dextram loris accinctus, & hasta

Aggredere exanimes, & corpora tunde flagellis.

Zorob. Verbera sed primo, mirum, tremit exci-
ta tellus.

Attollunt capita exanimes, dorsoque lacernas

Reijciunt: en iam candenti nube coruscant,

Et cœli in supera alta volant. Quas æthere
summo

Deuoluent in tecta faces? quæ funera nimbis

Perque domos, perque arua dabunt? Spes nulla
salutis:

Præcipitate fugam sub saxa, & lustra ferarum.

SCENA QVARTA.

H Y M N V S

*Enoch, Elię, Ioannis Euang. Ascendentium
in Cælum.*

Ad te, perenne gaudium,
Rerumque summus Artifex
Cursum per auras tendimus
Lati trophæis holtium.

En fracta tortorum manus:
Pallet Tyrannus impotens:
Durus cohorret carnifex:
Fusi per arua milites.

Mens, vis, furor mortalium
Sunt læua, si pugnent Deo.
Ergo ima summis pareant:
Terris Olympus imperet.

SCENA QUINTA.

Antichristus occiditur.

Antichristus, Michael.

Ant. **Q**VO ruitis, quò terga metus palantia
vertit?

Quòs fugitis? cæcos ne viros, vestraque perem-
ptos

Cuspide? quid? vestris potius terroribus a&i
Diffugiunt illi, & caput inter nubila condunt.
Nequiquā petiere fugam, liquidūq; per orbem
Insuetas iniere vias. Ipse, ipse volatu
Astra petam, & fontes librati fulminis icu
Diripiam in terras: iuuat hunc conscendere
montem

O socij: ferar hinc tenues sublimis in auras.

Micb. Quò demens iter infaustum, quò tendere
cursum,

Monstrum immane, paras; non sunt, non debi-
ta factis

Astra tuis, non hos cursus tentare necesse est:
Iam telum fatale vides, hastamq; minantem (1)
Infando capiti exitium: nunc contrahe quicquid
Siue animis, siue arte vales: non viribus vllis
Eripere mihi.

Ant.

I Quem Dominus Iesus interficiet Spiritu oris sui
Thess. 2.

Percutiet terram virga oris sui, & spiritu labiorum
suorum interficiet impium. Isai. 2.

Ant. Merui, atque hæc funera demens

Non indigna luam : tu nostras, si qua potestas
Parcendi, miserare vices .

Mich. Istam exue mentem :

Ultima stat tibi sors, & ineuitabile fatum;

Iam quem Christigenū sparsisti sanguine mon-
tem,

Hunc metire iacens .

SCENA SEXTA.

Iudæi Christum agnoscunt .

Eleazarus summus Sacerdos Iudaorum ad Ciues .

Eleaz. **L** Aceras abrumpite vestes ,
Nunc Hebræa cohors. Temerati Nu-
minis iras

Agnosco. Quam longa animos amentia nostros
Delusit, quam nos cæcis erroribus æti
Per noctem, & tenebras tam multos duximus
annos?

Ille quidem, nec me diuina oracula fallunt,
Religione potens, & claro nomine Iesus,
Christus erat, quem vera Dei præcepta ferentē
Nostra dedit letho factorum ignara vetustas.
Hoc modo Thesbites, hoc nobis conscius Enoch
Rettulerant: hoc & profuso sanguine dudum
Sanxerunt: quæ nos male sanos egit Erynnis,
Hanc rabidam pestem templis adscire, focisque?
Tollite vipeream tabem, & lethale cadauer,
Alitibus prædam gemino suffigite trunco.
At nos interea fusi per templa, per aras,

Carminē placemus Superos, veniamque precemur.

SCENA SEPTIMA.

Cantus Populi supplicantis.

Parce, qui cœli moderaris arces,
Parce, neu dignis quatiās nocentes
Cladibus: iustas pietas, rogamus,
Lenias iras.
Aspice ante aras populum gementem:
Aspice effusas laceris puellas
Crinibus; vinci patiāre tandem
Supplice vulgo.
Id rogant mæsto gemitu parentes,
A quibus nostri generis propago est:
Sancta maiorum pietas nepotes
Crimine soluat.
Tu Patris summi veneranda Proles
Immemor tandem Solymi furoris
Parce, & antiquę redeant, precamur,
Fœdera Pacis.
Nostra te ferro temeravit audax
Dextra: tu nostrum facinus piabis:
Tollat Hebræum scelus ille manans
Ex cruce sanguis.



SCENA OCTAVA.

Christus ē cœlo iubet effundi phialas
iræ suæ.

Christus, & septem Angeli Melchiel, Iabel, Iesiel, Nataliel, Israel, Camuel, Daniel.

Gad, Sephron.

Chris. **P** Arcimus Hebręo generi : sed plurima
plebes

Per terras reliqua est, quæ tot deterrita nondū
Prodigijs, insanit adhuc. & nostra lacescit
Numina, nec Superū didicit mitescere donis,
Non prece non monitis ; sed adhuc furor im-
pius hæret

Mentibus, & cæcæ gliscit violentia plebis.

Audendum ferro est, & quos nec dona, nec
vllus (1)

Vicit amor, vincant effusis cladibus iræ,
Nunc age: Cœlicolæ supremo ex ordine septem,
Horrendis totidem phialis armate lacertos,
Et nostrum in maria, in cœlum, terrasque fu-
rorem

D 4

Spar-

¹ Et vidi aliud signum in Cœlo magnum & mirabile
Angelos septem habentes plagas septē nouissimas Apoc. 15.

² Et audiui vocem magnam de Templo dicentem septē
Angelis: ite & effundite septem phialas ira Dei in terram
Apoc. 16.

Spargite : nunc populis, quicquid feritatis ubique est,

Mittite, nunc totis in vulnera viribus ite,

Mel. Paremus. Nunc, ò socij, torquete per auras

Vltrices phialas. Miscere ego funera primus

Audeo.

Gar. Quid crepuere tubæ, quis tantus ab alto
Diffultat fragor? en phiala candente minacem
Cœlicolam.

Mel. O quot quot coluistis numina pestis

Gorgoneæ, & geritis lethæi insignia Monstri,

Vobis hanc phialam excutio, vos hæc mea clades (1)

Opprimet; exustis serpat vis ignea venis.

Arescat iecur, & circum præcordia sanguis

Aestuât, atque imas populetur flâma medullas.

Gar. Heu heu, quis nostris tacitum calor implicat ignem

Ossibus? heu pectus flammanti incanduit æstu.

Tubera prorumpunt membris, & corpora tabo

Exuperante tument: cursum rapiamus in vndas

Aequoreas, gelidoque ardentia corpora ponto

Mergamus.

Label Iubeo fluctus, vndeque rubescant, (2)

Purpu-

1 Et primus effudit phialam suam in terram, & factus est vulnus seuum, & pessimum in homines, qui habebant characterem bestie & in eos, qui adorauerunt imaginem eius. Apoc. 16.

2 Et securus Angelus effudit phialam suam in mare, factus est sanguis tanquam mortui, & omnis anima viuens mortua est in mari. Apoc. 16.

Purpureusque cruor vastum se fundat in æquor :
 Iactati pisces media moriantur arena ;
 Horrisonos tollat fremitus , & murmure sæuo
 Mugiat vnda maris , voluatque ad sidera flu-
 ctus .

Seph. Non hæc tuta fuga est ; pelagus de sedibus
 imis

Conuulsum resonat : fugiendū ad flumina , ciues.

Ies. Nunc ò Terrarum Domini , Regesque luendū
 Quicquid sæuitum in Vates , & corpora Diuū
 est .

Hæc vobis phiala inficiat pro cæde piorum (1)
 Puniceos amnes , & sparſos sanguine riuos.

Gai. Heu miseris. Quonam fluuij rubuere veneno ?
 Vnde cruor lymphis , quæ tinxit purpura fontes ?
 Quas potemus aquas ? quo siccis faucibus hæ-
 rens

Fonte leuanda sitis ?

Nat. Qui mundum lumine complex,

Phæbe, tuo , hanc phialam æstiuo feruore calen-
 tem (2)

Accipe : flammescant radijs ardentia circum

Arua tuis , iaceantque ambusta animantia cam-
 pis .

Gad.

1 Et tertius effudit phialam suam super flumina , &
 super fontes aquarum , & factus est sanguis Apoc. 16.

Quia sanguinem Sanctorum , & Prophetarum effuderūt
 & sanguinem eis dedisti bibere : digni enim sunt. ibidem

2 Et quartus Angelus effudit phialam suam in Solem,
 & datum est illi æstu affligere homines , & igni , & æstua-
 uerunt homines æstu magno , & blasphemauerunt no-
 men Dei. Apoc. 16.

Gad. Vrimur : immituit fune ita incendia Titan.

Heu heu , quis tantos effusis fluctibus ignes
Abluat oceanus ? nec sylvar , aut montis asylum
est

Vilius arefcunt nemora ab radicibus imis ,
Arboribusque comæ defunt , & collibus umbræ.
Crudelem ô Superûm rabiem , atque immania
corda .

Cur non arcetis radios , Phœbique parentis
Lumina ? candentem cur non defenditis æstus ?
Si nil effugij est agris , nec sæua mouentur
Numina , iactato turpemus puluere solem (1)

Israel Hæc phiala in solium , quod dudum infederat
Orci

Bellua , missa ruat , fumoque & nubibus auras
Occupet

Sepbron Heu quantus piceum vapor aera turbat ?
Tolluntur nebulae stagnis , & nubila mittit
Pigra palus : hæc tu , Galilæe , immittis in orbem
Funera , sed quæcumque velis , circumque su-
praque

Sæuieris , rapido discerpere brachia morfu
Malum us , & lacerare genas , quàm reddere
templis

Thura tuis . Nequicquam his nos terroribus
vrges .

Camuel Hæc phiala Euphratis tumidas exhauriat
vndas ,

Per

I Quin. us Angelus effudit phialam suam super sedem
bestie , & factum est eius regnum tenebrosum , & cum man-
ducauerunt linguæ præ dolore & blasphemauerunt Deum
Apoc. 16.

Per vada iurati cocant in prælia Reges. (1)

Marte fremant populi , spumantique orbis
inundet

Sanguine , nec capiant effusa cadauera campi.

Arad. Erupere acies: prohquæ certamina miscen-
Aera micant, resonant clypei , furit ensis in ho-
stem:

Nec mora , nec requies in mutua vulnera ferro
est.

Ban. Ultimus hanc phialam quatio , cælumque
procellis

Misceo: præcipitent cômixta grandine nimbi (2)

Subsidant montes , tellus exterrita colles

Decutiat, raptæ iaculentur fulmina nubes.

Ad terram cadite ò socij, terramque trementem

Immotâ prensate manu: iuga summa mouerî,

Aequarique solo colles , & tectâ videtis?

Ingeminant ignes , rapiuntque per aera cursum

Fulmina : quæ miseris nemora , aut spelea fera-
rum

Tuta satis? quid adhuc superest? ruit horrida
grando .

Qualis

1 Et sextus Angelus effudit phialam suam in flumen
illud magnum Euphratem & siccauit aquam eius , ut præ-
pararetur via regibus ab ortu solis, cap. 16.

2 Et septimus Angelus effudit phialam suam in aerem
& exiit vox magna de templo à throno dicens : Factum
est , & facta sunt fulgura , & voces , & tonitrua & terre-
motus factus est magnus qualis nūquam fuit, ex quo homi-
nes fuerunt super terram : talis terr. motus sic magnus, &
montes non sunt inuenti : & grando magna sicut talentum
descendit, Apoc. 16.

Qualis non Siculis vnquam fuit Aetna caminis
 Candentes iaculata globos, ramosque, co-
 masque

Agrorum, nemorumque rapit. Quæ tegmina
 nobis

Sunt reliqua? umbones clypeorum & scuta la-
 certis

Erigite: & peltas venienti obtendite nimbo.

Nequicquam, Galilæe, furis, si corpora tundis,

Non animos.

Phinees Rabidis, socij, ne talia linguis

Audete in superos. Quem diro incessitis ore,

Christi numen habet: non ipsum hæc funera
 Christum

Esse probant? non ille aliter tot cladibus vrbes

Verteret, hic certe fatalem nunciat orbi

Interitum: monet & lacrymis commissa pie-
 mus.

SCENA NONA.

Puer fame eneas cibum à matre petit

Cocles puer, Delia mater.

Cocl. **O** Quam dira fames: præbe ientacula mater
 Frigida membra labant, nato succurre
 cadenti: (1)

Del.

Dël. Graudine decussæ fruges, populatus aristas
Nimbus, vipereo turbati sanguine fontes,
Lapsa domus, plena exitijs, plena omnia luctu.
Quam tibi mater opem, tantis concussa periclis,
Nate, ferat? quò se vertat, quæ numina demens
Imploret? si, nate, iuuat, popolare parentis
Membra tuæ, & nostras discerpe in fercula
carnes.

SCENA DECIMA.

*Ariel Angelus à Deo missus Eclypsim parit
omnium luminum Cœli.*

Ariel, Phinees vir popularis

Ariel. **S**idera quæ vario stellantem pingitis orbē
Lumine, non vltra fulgere ex sedibus altis
Fas erit, aut terras agitare, elementaque vestris (1)
Viribus: è cœli celsa regione cadendum est.
Tuque etiam decus astrorum, tu noctis opacæ,
Vmbrarumque potens, ferali sanguine vultus
Infice, Luna, tuos. Tuque ò iubar ætheris aureum,
Cui menses, annique vices, cui secula currunt
Con-

1 Sol obscurabitur, & Luna non dabit lumen suum,
& Stelle cadent de Cælo. Matt. 24.

Contrahe, Phœbe, comas, quibus aureus omnia lustras:

Hæc tibi meta viæ est, fessas iam solue quadrigas
Phin. O nocte subitâ, ò itygiæ primordia noctis,
 Hæc rerum suprema dies, hic tempora sistunt.
 Nos, nos tam vario rerum natura tumultu
 Deplorat, nostrasque vices, & funera deflet.
 O foci, magnum tellus excussa dolorem
 Testatur, refluus plangoribus æquora lugent,
 Et genuinat rapidos æther pro fletibus imbres:
 Sol etiam nostras non passus cernere clades
 Involuit nitidos atra teriugine currus.
 Astra ruunt, elementa gemunt; nunc victima rerû
 Eluuijs, mundi moles agitata fatiscit
 Exitijs; & fessa quo natura laborat.
 Nunc passas lacerate comas, & pectora matres,
 Nunc vlulent pueri: nunc preno corpore fusi
 Rumpamus querulos mæsto de pectore luctus.

SCENA VNDECIMA.

Michael imperat morti, vt omne metat
 hominum genus.

Michael, Sephron.

O Qui fulmineam versas ex æthere falcem
 Non iam maturas cæstiui puluere melle [1]
 Aspicias

1. Et ait Angelus exiit de templo clamans voce magna ad sedentem super nubem: mitte falcem tuam, & metes, quia venit hora, vt metatur, quoniam aruit messis terra. Apoc. 14.

Aspicias, & grauidas curuato palmite vites:
 Eia adhibe circum falcem flauentibus agris,
 Et tempestiuas incumbens demete fruges.
 At vos, ó socij, flammaram quicquid vbique est
 Seu filicum in venis lateant, seu per caua cur-
 rant

Nubila, seu gliscant montani e sulphuris æstu,
 Huc legite, & toti iactate incendia mundo.
 Ipse celer sistam firmato cardine cælum.
 Orbes qui rapidum per longa volumina tempus
 Ducitis, híc volucres motus, híc ponite cursû.
 Hæc suprema quies vobis, hæc meta laborum.
 Nunc, nunc, ó socij, torquete è nubibus ignes
 Nunc mare, nunc tellus, rutilusque incandeat
 æther.

Sep. Diffugite, ó miseri, in latebras, cælum omne
 coruscat:
 Heu heu nulla fuga est, collucent omnia flam-
 mis.

CHORVS ANGELORVM.

T Ragico te æti syrmate Coelites
 Hominum generi damus inferias:
 Fataque populis vltima passis
 Canimus tristi carmine nœnias.
 Hæc loca quondam pingua frugibus
 Gelida circum fronde virebant:
 Vernabat humus candida lilijs
 Spirante per hæc rura fauonio.
 Híc belligeras alta per vrbes
 Steterant celsis mœnia pinnis,

Hic

Hic sparsa crocis atria Regum,
Mollesque thoris mollibus aulæ.
Nunc præcipiti turbine rerum
Ambusta iacent omnia flammis,
Luridus agros fumus obumbrat,
Ceneresque ducum cineres incubant.
Viduata gemunt arua colonis.
Tellusque suos plorat alumnos.
Hominum questus funera Titan
Caput horrenti condidit umbra.
Heu gens hominum cognata Deo,
Et præfidijs credita nostris,
Heu quam subitis cladibus occidit:
Et fusa dedit corpora campis.
Nullus superest incola terræ,
Sibi qui vacuas arroget arces,
Quique relictas occupet vrbes,
Ex innumera gente superstes.
Nullus adest qui sparsa legat,
Condatque pius membra sepulchris;
Genuit populos, aluitque dies
Non vna, dies vna peremit.
Ista sit vtinam summa malorum;
Nec mors iterum sæuior intet;
Nec quam peperit mors vna luem
Altera longo nutriat æuo.



ACTVS IV.

SCENA PRIMA.

Christus imperat Angelis, vt homines ad vitam reuocent.

Christus.

B Is duo Cœlicolæ celeri properate volatu,
 Et legite arentes cineres, atque ossa per orbē,
 Quæ tumuli cohibent, vasto seu gurgite pontus
 Occulit, aut Zephyri rapuere inhumata per auras, (1)
 Seu syluis, rapidisque latent absorpta ferarum
 Visceribus, sparsosque suis compagibus artus:
 Nectite nunc venas venis, nunc ossibus ossa,
 Membra iterum membris, nervos componite
 nervis.
 Vos alij in tumultos animas compellite, seu quas
 Orcus habet, seu lustralis quas expiat ignis,
 Seu quas sub terris infantum carcer obumbrat.
 Tu Michael horrentem arcu, pharetraque sonantem
 Mortem inuade manu, vincamque in tartara
 merge.

E

Tu

1 Et mittet Angelos suos cum tuba, & voce magna, & congregabunt Electos eius à quatuor ventis à summis Cœlorum, vsque ad terminos eorum. Matt. 24.

Tu clangore nouo terras, cælumque profundum
 Cōcute, vt horrifonis tremefactæ cornibus urnæ
 Reliquias cinerum, & pallentia corpora reddāt:

SCENA SECUNDA.

Excitantur Dammati.

Pbedael Angelus, Beelzebub, Hieroboam.

Pbed. **E** Vmenidum Princeps stridenti cardine
 portas

Tolle tuas.

Bel. Nam quis tantum clamoribus audet?

Vsq̃ueadeone sibi de nostris arrogāt antris?

Phe: Rumpe moras, iam tempus adest, quo lancibus
 æquis

Omnia facta hominū dominator pēset Olympi.

Solue tuos, pateatque iter infelicibus vmbis

Ad superos. Quæ tanta mora est? ego cuspide
 valuas

Deijciam.

Bel. Hen, heu, heu.

Hierob. Cecidere auulsa Barathri,

Limina; quò miseri rapimur? cur non datur Orcū

Incolere? aut cur has tenebras, ignemque iu-
 bemur

Linquere? non satis ad nostras sunt Tartara pē-
 nas?

Malumus hīc Phlegetonta pati, quā iudicis iras.

Id miseris (si qua est pietas) concedere fas est.

Pbed. Vobis non vlla est pietas, clementia nulla est

Hæc

Hæc quondam patuere satis, nunc cladibus hor-
rent

Omnia: ferte gradum celeres Plutonis ab antro.

Hier. O lucē inuisam, ò sceleris loca conscia nostri!

Non & præstiterat stygijs vlulare sub antris?

Non & inexhausto torrentes igne caminos

Eumenidasq; pati? sed quò properare iubemur?

Phed. In tumulos iter est: hîc membra, hîc corpora
rursus

Induite, hîc vobis cineres aptate receptos,

O miseri.

Hierob. Heu quantus graueolenti ex corpore fëtor?

Quæ membris dira illuies? quis squalor in
ore est?

Hæccine nos epulis, hæc molli membra cubili

Fouimus? hæc gemmis, hæc fuluo intrauimus
auro?

Turpius haud vsquam cenum est, nec fæ dius vllū

Portentū ex pelagi, aut terræ se protulit antris.

In quascumque velis potius nos abijce sordes,

Quam subijsse iterum nos hæc informia cogas

Corpora.

Phed. Nequicquam gemitu iactatis inani

Vota, vel inuitas iussis parere necesse est.

SCENA TERTIA.

Contrusis in sepulchrum animabus noxijs, Infan-
tes è lyngo euocantur.

Banniel Angelus, Amos.

Ban. Infantes, quos cæca domus caligine merfos
Occulit, in superū è tenebris procedite lucē.

Am. Haud inuiti equidē iucundum lumen Olympi
Cernimus, atque vtinam, exiguo quod tempore
quondam

Hausimus, hoc liceat per secula cuncta potiri.

Ban. Det rata vota Deus. Nunc vobis lactea mem-
bra

Sumite, quæ tumulis mors immaturâ coercet.

SCENA QVARTA.

Contrahis in sepulchrum animabus Infantum

Hiesiel Angelus ad Animas Purgatorij.

Hiesiel. **O** Quas exercent certo pro tempore
pœnæ,

Donec concretam labem sacer eximat ignis,

Huc reuocate gradum; pœnarum, atque ignis
abunde est.

An. Purg. Maxime quas, Superiſſim Rex omnipoten-
tis Olympi,

Pro meritis grates dabimus, laudesq; canemus?

Ad nos demittis Superis de fratribus vnum,

Qui vocet ex flāmis, superas qui tollat in auras,

Qui temere abiecit os cineres, collapsaq; membra

Instauret, quique è tumulis deducat ouantes.

Adsis, ó Pater Indigetum, & tua munera firmes.



S C E N A Q V I N T A.

Clamat Michael clangente tuba ad mortuos.
Separantur infantes ab improbis.

Michael, Ilus, Caleph, Delia, Cocles.

Mich. **S** Vrgite quos grauis vrna premit, confur-
gite cassi (1)

Lumine, & ad Summi Regis properate tribunal.
Iam vos, ò focij, diuis abiungite fontes:

Pars hæc dextra pios habeat, sed læua nocentes.

Ilus. Quò, Pater, auellor? miseri cur oscula nati
Amplexusque fugis? potuisti linquere solum

Crudelis? stygiæ circundant vndique diræ (2)

His viuus trador? sic natum prodis Auerno?

Da genitor dextram, & tecum me tolle per auras.

Cal. Hinc procul, hinc abiste, puer, gemituque pa-
rentem

Desine compellare tuum: si nostra tulisses

Præcepta, ac monitus, nõ hæc modo fata subires.

Si nunquam Patrem es veritus: si nomina patris

Temnebas, si non patris mandata secutus,

Quem nunc imploras infido pectore patrem?

Dei. Quo tibi, nate, fuga est, quid patrem torue
tueris?

E 3

Quo

1 Ipse Dominus in iussu, & in voce Archangeli, & in tuba Dei descendet de Cælo, & mortui qui in Christo sunt resurgent primi. Thef. 4.

2 Exibunt Angeli, & separabunt malos de medijs iustorum. Matt. 13.

Quòu e oculos auersus abis? Ego Delia Mater.

Non materna vides niueo spumantia lacte

Vbera? non vterum fœcundo pondere fessum

Non lacerum crinem, contusq; pectora palmis?

Quò genitricis honos? pietas quò prisca recessit?

Coc. Nequicquā querulo, genitrix, hæc ore volutas.

Me fouet alter amor, melior mihi reddita mater,

Tuque abeas, quò te furia rapiuntq; trahuntq;

Mich. Quò seræ nimium lacrymæ, serique dolores?

Iam iam aderit, paribus qui crimina cladibus

æquet.

Vndique iam lecti cineres; iam vita sepultis

Reddita, iam fontes cœtuque, atque agmine

Diuûm

Auulsi, iam pars operis non parua peracta est.

Pergite Cœlicolæ mecum, captumque laborem

Perficite. Has nunc exuias, Christi; triumphos,

Hæc monumenta necis, cœsique insignia Regis

Accipite, & metuenda reis deferre per auras.

SCENA SEXTA.

Separatis bonis à malis, tradit Michael Angelis

insignia mortis Christi deferenda in locum

Iudiciij.

Iabel, Melchiel, Hiesiel, Nabaliel, Israel, Baniel,

Phedael, Michael.

Iab. **O** Bsequimur: manicas en ipse, & ferrea
primus

Vincla fero: hæc vobis homines spectanda fe-
runtur His

His vobis quæ sita salus, hæc vincula vestrum
In cædem rapuere Ducem, qui vincla resolvit
Vestra suis. Hæc vincla Deum tenuere furentem
In populos, flammæque, atque horrida fata mi-
nantem.

Sed satis indulgit vinclis, sat tempore longo
Se cohibet, vinclis dextramque, iramque coercet.
Nunc contra vos vincla manent; vos ista luetis
Vincla Dei, & grauibus pēdetis vincula vinclis.

Mel. En Rex vester ad hanc impactus terga Co-
lumnæ

Flagra tulit, Deus hæc inflixit verbera Nato,
Non Natum veritus, non inscia pectora culpæ.
Discite quæ sit vestra lues: si talia Regem

Fata premunt, quæ stat populo fortuna nocēti?

Hief. Hæc sarta ex tribulis, atque hæc data purpura
Christo est.

Hæc lacero capiti dumos infixit arundo.

Vos hæc sceptræ Deo, vos hæc per tēpora vepres

Figitis: ille quidem fuerat meliora daturus

Sarta, & purpureas vestes, ac sceptræ parabat.

Sordida sed quando hæc vobis promissa vidētur,

Reddet pro tribulis tribulos, pro murice flam-
mas.

Nab. Mallens hic triplici perfodit cuspide Christū,

Vraiectasque Dei distraxit in æra palmas,

nde daret facilem amplexum, & sua brachia
vestris

Neckeret. O scelus infandum, vos terga vocanti

Vertistis, terrisque animos, atque ora dedistis.

Ille etiam vos in terras, terræque tenebras

Abijciat; dabit & terras, quæis terrea mens est.

At modo quò tua vis, tua quò victoria cessit?
Quò furor? en vacuas eiectis ossibus urnas
Alpicis, en reduces has, quas tua dextera gen-
tes
Strauerat: vna tibi imperiū dedit arbor, & arbor
Abstulit: hæc celeres arcus, & spicula fregit.

S C E N A S E P T I M A.

Pater Æternus è Cælo ad Chri-
stum Filium.

Pater, Christus.

Pat. **N**ate, Parentis honos, amor vnus, & vna
voluptas,
Nunc hominum fatis extremum imponere
finem (1)
Tempus & vltices scelerum decernere penas:
Hæ tibi erunt partes. Tu sæui Iudicis iras
Expertus, nunc digna reis, & iusta rependes
Iudicia: Humanos artus præbebis & ora (2)
Quæ timeant fontes, & amet sacra turba
piorum.
Huc vsque innumeris, ò Nate, Incognitus oris,
Aut inuisus eras, nec dum tua credita multis
Numina, vel scelere, aut cultu temerata profano
Nunc

1 Cum venerit filius hominis in maiestate sua, & om-
nes Angeli cum eo. Matt. 25.

2 Iesus, qui assumptus est à vobis in Cælum, sic veniet
quemadmodum vidistis eum euntem in Cælum. Act. 1.

Nunc rerum dominum, versantemque omnia
dextra (1)

Te videat quicumque tuos contempsit honores.

Christ. Sācte Pater, mihi qui magni cōsortia mādās
Imperij, dextraque iubes regnare sedentem,
Iussa libens peragam.

Pater. Cape sceptri insignia nostri,
Quo quicquid scelerum, & culparum quicquid
vbique est

Excutias; neque enim terras inglorius ibis.

Sat multos quondam duxisti ignobilis annos.

Vis tua nunc populis, tua nunc spectanda pote-
stas,

Christ. Ascendi paucis olim comitatus Olympum: †

Nunc septus populis, atque inter multa reuertar

Millia, nunc noua nupta meo dignata cubili

Teque, tuosque omnes thalamis, regnisq; mariti

Inferet, & mecum felices exiget annos.

Iamque vale, Genitor.

Pater. Vale Patris vnica proles.

CHORVS NOCENTVM.

HEV quos dabimus miseranda cohors
Gemitus tanto funere dignos?

Heu quis ab imo pectore luctus

Mala nostra pari diluat vnda?

Quò delicijs nescia vinci

Nostra libido cessit? & auri

Ve-

† Congregabo omnes gentes, & deducam eas in vallem
Iosaphat, & disceptabo cum eis ibi, Joel. 3.

Vefana fames ? quò blanda Venus ?
Quò raptus honos ? rapta ſupellex ?
Alias verſat fortuna vices ,
Alius rerum naſcitur ordo .
Verſa in triftes gaudia luctus :
Verſa in gemitus ætherea chælis.
Erepta cohors fida ſodalium ,
Nullus amicos coniungit amor ,
Oblita ſui coniugis vxor ,
Natiſque ſuis auulſa parens .
Mens male conſcía terrore labat .
Fremet hinc , atque hinc agmen Auerni
Capiti Iudex imminet atrox ,
Mugit ab imo Tartarus antro .
Cur hæc miſeris inuiſa parens
Dedit ingrata lumina vitæ ?
Cur infantes nulla vorauit
Flamma, nec hauſit Noricus enſis ?
Scindite veſtes flebile vulgus ,
Plangite crebris pectora pugnis,
Lacerate comas , tollite queſtus :
Hæc vna licent gaudia vobis .



Pila. Hic ille, ò Solymi Patres, quem crimine diro
 Damnatum, fixumque cruci demisimus Orco.

Cayph. Ille quidem : Quæ me, quæ vos nunc Tartara mergant ?

Quis feret indignos ? quos nunc dabit ore furores ?

SCENA TERTIA.

Singulos Electorum choros Christus inuitat
 ad coronam .

Michael, Christus, Abraham, Moyses, Petrus, Stephanus, Augustinus, Antonius, Maria .

Mich. **M**urmure composito nunc Regem
 quisque loquentem

Audiat, & quæ fata sibi sint debita, discat.

Christo ad O Diuum genus, ò supero dilecta Parēti
Electos. Agmina, nunc tandē multis illuxit ab annis

Expectata dies, qua vos tot casibus ætos,

Et toto innumeris iactatos orbe periclis,

Accipio, reduceſque animos, & corpora ſeruo.

Iam modus ærumnis poſitus : iam victa laborū

Sæuities : nimbis horrens iam bruma recessit .

Meffis adest : licet æſtivas decerpere fruges .

Iam dubios ſcopulos , dubiæ iam ſyrtis arenas,

Æquoraque emenſi, portus, & tuta videtis

Littora : iam poſitis ſiluerunt claffica bellis .

Nulla vſquam armorum rabies , pax alta per
 Orbem .

Christus ad Ponite tela manu, clarosque ex hoste
Patriarchas. triumphos

Ac-

Accipite , ò Patres, quorū est Hebræa propago,
 Vnde mihi genus est seclorum ex ordine ductū,
 Vos ad prima voco vestri subsellia Regni:
 Vobis ante alios promissa est sedere certo
 Et sperata salus: primi referatis eandem.

Abr. Sic equidem fore, progenies ò nostra, parentes
 Sperauere tui, neque nos hæc cura fefellit.
 Te tandem fas est, scepro, trabeaque micantem
 Aspicere, atque Orbi mandantem iura subactō.
Christus Vestra, ò fatidici Vates, hæc altera palma
ad Prop. est:

Vester & alter honos ; vos, me, & mea fata ca-
 nentes,

Exegit ferro, & varijs manus impia pœnis.
 Nunc idem, quem per gladios, & tela tueri
 Non piguit, supera lætos vos sede locabit.

Moy. Hæc tua laus , honor hic tuus est , ò gloria
 vatū :

Tu ventura mones, & vates vatibus ipse es.
 Quin etiam nobis quæcunque oracula pandis,
 Idem firma facis. Te clara in luce videri
 Omnibus, ostendique palam tua munera terris,
 Gratulor . Agnoscant populi, non somnia vates
 Mentitos de te, cum non dum audita canebant.

Christus Ad vos nunc geminas acies & lumina
ad Apost. verto ,

Quos ego bis senos , populos complexus , in
 omnem

Fortunam, atque inopis vitæ, durique laboris
 Adsciui socios: vos me fleuistis ad auras
 Pendentem , & Solymi sudantem in culmine
 montis .

Vos

Vos primi me iussa Patris Diuina ferentem
 Audistis : vos hæc eadem sparsistis in Orbem :
 Vos ceu præcelsi colles , quos vertice summo
 Cæpistis Phæbi radios , imbremque feracem
 Fudistis nemorum in valles, vos more Parætum,
 Hæc tam multa meis peperistis millia Regnis.
 Palmatæ nunc dona togæ, sellasque curules (1).
 Accipite, & mecum populis decernite sortes.
S. Petr. Hæc tua sunt promissa, Pater: nunc reddita
 læti

Accipimus, læti que tuos spectamus honores,
 Et vultus nitidos, olim quos sanguine turpes
 Vidimus, & dumis laceros .
Christus ad Martyres. Nunc præmia ferte,
 Vos ò magnanimi Heroes, vos læta iu-
 uentus,
 Vos mihi funereas clades, & vulnera passi :
 Vos rabiem experti Regum, vos prodiga vestri
 Sanguinis, & flammis, & ferro nescia vinci
 Pectora : quis vobis labor, aut fortuna pepercit?
 Ceruices alijs falcatus perculit ensis :
 Huic penitus direpta cutis, nudataque ferro
 Viscera, crux alios infanda morte peremit .
 At non indecores, nec inulti hæc læua tulistis
 Funera: nunc dabitur grauiora rependere vestris
 Hostibus. Interea læti date tempora circum
 Purpureos flores, victricis præmia dextra .
S. Steph. Non mirum, Rex Omnipotens, nos talia
 passos .

Tu

¹ Sedebitis & vos super sedes duodecim iudicantes
 duodecim tribus Israel, Matth. 19.

Nunc caput, ac roseos crines redimite corym-
bis,

Candidaque innuptæ suspendite lilia fronti.

Ad Matrem. In primis tu cara Parens, cui munere
nostro

Nō sobolem pudor invidit, sololesue pudorem:

Nec tibi certus, & vnus honor, pulcherrima
Virgo,

Omnes sed superūm palmas, & præmia diuūm

Vna feres: partes alijs, tibi Regia Cēli

Tota vacat.

3. *Mar.* Tua nil aliter sperare iubebat

Me pietas, mea qui diuino viscera sætu

Compleras, Matri, castæque innoxius aluo:

Ergo etiam in summos Cēli me tollis honores?

Agnosco merita hæc, atque alta mente repono.

Nunc tibi, quæ reliqua est à dextris turba piorū,

Commendo, hos etiā meritis tua dextera donis

Augeat, & diæis animos soletur amicis.

Christus ad Faxe equidem: vos has reliqui con-

Confessores, scendite sedes,

& *Simplices* Qui, thalamos quannuis, quannuis con-
cessa secuti

Coniugia, & quannuis opibus, domibusq; tuendis

Intenti; non vlla tamen contagia culpæ

Hæserunt animis, aut si qua fuere, piastis.

Ergo etiam vobis summo stent præmia Cēlo:



SCENA QVARTA.

Adam exorat terras incolendas ab Infantibus,
qui in Limbo detinebantur.

Adam, Amon, & reliqui.

Adam. **N**unc ò Rex hominum, rerumque æter-
na potestas,
Post mihi, post collata meæ tot munera proli,
Da, petiisse, meis quod votis deficit vnum.
Respicias infantum cunas, quos vbera matrum
Auulso, huc vsque iubes vagire sub umbris?
Horum nec scelus est aliquod, nec gloria facti
Vilius; ad neutrum vides dedit inuidæ Clotho.
Culpa quidem & scelus omne meum est: mea
facta nocentem
Progeniem fecere meam: nunc quos mea letho
Culpa dedit, profint iisdem mea vota, precesque.
Non precor, in Cælum tollas, quos nulla piauit
Sanguinis vnda tui: Terras, ac terrea præbe
Gaudia: da, Cælum, quod nõ conscendere fas est,
Aspiciant.

Christ. Placet, hæc etiam rata munera sunt.

Amon unus Infantum. Quæ tibi laus, & honor par est, æquissi-
me Iudex,

Quod nos ereptos tenebris, votique potentes,
Ætheream lucem tribuas hausisse per ævum.
Ora quidē tua, Rex Superū, neq; cernere fas est,
Nec petere; at rutilos Cœli mirabimur ignes,
Et si non Dominum, Domini spectabimus arces.

SCE.

S C E N A Q V I N T A.

Accusatio, & sententia reorum.

Acheron, Angeli, Agapitus, Sebastianus, & reliqui.

Chri. **I**Am verò causas opus est, & facta nocētum
Excutare, ac primum fandi nunc copia
cuique est,

Crimina si quis habet, nobis quæ deferat actor,
Aut quibus aduerso testem se præbeat ore.

Acher. O Rex omnipotens, rectiq; acerrime Iudex,
Primus ego populum, quem pars hæc læua coer-
cet

In Phlegetontæos ignes, Herebumque reposco.

Natura tuus est; at si contagia culpæ

Inspicias, meus est: nostro certamine victus

Succubuit: victos tradi victoribus æquum est.

Vltrò vltrò se se ipse mihi submisit inermem:

Restitit ille tibi: risit quæcumque monebas

Consilia: & monitus nostri, nostræque placebant

Illecebræ: tua contempsit, mea dona secutus

Sponte sua. Quod si sceleratæ parcere genti

Est animus, cur nos supera detrudimur arce?

Quæ scelera in nobis? quicquid deliquimus
vnum est:

Hi contra quæ non cæptis immanibus ausi

Flagitia? aut quæ vox illorum crimina fando

Explicit? En vastos ingenti pondere libros:

Hic scelera, hic culpas seruo descripta reorum.

Sæuijt hic ferro, dextraque in Tartara truncos

Innumeros dedit: hic multo prædatus egenos
 Frenore, & hic toties populatus Regna coemptis
 Mercibus, hic fæda thalamos fœdauit adulter
 Pellice: quid multis opus est? tu cetera nosti,
 Tu meritas statue in scelerû discrimina pœnas.

Phœdael Angelus Nos quoque contemni querimur,
Tutelarîs in in- Sanctissime Iudex.
gratos.

Nostra viris semper, populisque
 impensa tuendis

Cura fuit, sed nunc quisquis custodibus uti
 Noluit, auctores habeat. Quæ tempora nostris
 Officijs caruere? quibus noctemue, diemue
 Defuimus? rabiem Eumenidum, stygiosque fu-
 rores

Depulimus, castos dedimus sub pectore sensus.
 Quod rectum fuerat, quod Christi milite dignû
 Suasimus. O quoties dum corpora somnus ha-
 bebat,

Adstitimus vigilæ, quoties pia vota Tonanti
 Obtulimus, caltasque preces? Quot munere nostro
 Casibus, & quantis vita est erepta periclis?
 At vos immemores nostri, Ditemque secuti
 Omni custodes temerastis crimine vestros.

Tu Iudex paria ingratis exempla reponas.

D. Agapis. in O Deus, o casti vindex æterne pudoris,
luxuriosos. Nos etiam tradi in pœnas infanda ro-
 gamus

Agmina: vos animum Baccho, Venerique dicaſtis,
 Vos sacrata Deo maculaſtis corpora turpi
 Illuue. Quod non petulans aggressa libido est?
 Continuit e vllis oculos, aut corda puellis?
 Quos violare thoros? aut quæ data iura maritis

Sol-

Soluere? quos consanguineos temerare penates
Extimuit? quin & nobis inferre parabat
Damna pudicitiae. Tu nunc, æquissime Iudex,
Hanc venerem, hos fædos grauioribus ignibus
ignes

Extinguas.

D. Anton. in ambitiosos, & diuites. An adhuc tumidae fastigia gentis,
An fastus, aurique famem patieris
inultam,

O contemptor opum? Patrias nos liquimus oras,
Cognatasque domos: nemorū secessimus antris,
Viximus indecores: argenti, aurique talenta
Spreuimus: agrestem stirpes & gramina victum
Præbebant: olidae pelles durata tegebant
Corpora: quin etiam ob vitæ melioris amorem
Viuerē desijimus, nunc horum respice luxus.
Impendere dies epulis, nostramque perosi
Pauperiem, totis inhiant mentibus auro:
Emptus honor, rapti fasces, congesta supellex
Regia: nec lateri series admota clientum
Vsq̃uam aberat: suspensa domo, suspensa cubili
Aulæ; hisne eadem quæ nobis commoda fer-
uas

O Deus! an ne opibus tumidos, auroq; nitentes
In confessu inopum pudeat regnare, verendum
est?

D. Aug. in con- temptores verbi Dei. Omnipotens Deus, & recti, verique
magister
Tradideras nobis populos, plebem-
que docendam:

Paruimus: quodcumq; gregi conducere visum,
Expositum satis est: sonuerunt pulpita nostris

Vocibus: in triuijs etiam, & per compita noster
Auditus clamor; sed nil clamore peractum.

At modo non verbis, clamandum est verberare,
Iudex.

D. Seb. in O scelerum vindex, ò nostri sanguinis
Tyrannos. ultor,

Innumeris mea. membra vides laniata sagittis,
Vulnera nostra vides, & funera sæua tuorum.

Hæc ferro populata vides, hæc tradita flammis
Corpora, & illa vides pelagi demersa sub undas.

Carnificū hinc rabiem, & nostrū depasta cruorē
Regum tela vides. Quæ, Iudex, quæ mora nūc est?

Stringe manu gladium, cladesq; vlciscere nostras.

Camuel vnus Nos, ò Rex Superū, à primo deuol-
Angelus ex Cæ- uimus æuo

lorum motoribus Aethereos orbes: labentes duxi-
in abusus Cælo- mus annos;

rum beneficij? Abstulimus longè solem, mox tem-
pore certo

Rettulimus, gelidasq; hyemes mutauimus æstu:

Nocti fidereos ignes, Phæbumque diei

Reddidimus: pauidis immoto fidere nautis

Affuimus, stabiliq; vias direximus astro.

Sed quid ego hæc refero? Nullis tractabile peccus

Muneribus: nullis istorum amentia victa est

Officijs; nec te astrorum, cælique potentem,

Nec memori nostros animo coluere labores.

Iabel vnus ex An- Nos etiam innumeros tutati ele-
gelis elementorum menta per annos,

Custodibus in abu- Tellurem in segetes, in frugem
fos commodis ele- gramina, filuas

mentorum. Induimus gregibus, pubescere
iussimus herbas, Ex-

Extulimus fontes, mutatas æquore merces
 Veximus, & grauidis pisces suffecimus vndis :
 Aerias dedimus pluuias, & frigora flammis
 Depulimus. Sed quis (gerimus dum talia) narret
 Quæ scelera in terris passim per regna, per vr-
 bes

Viderimus? Neque me, quæcumque aspeximus,
 aut quæ

Flagitia inuiti tulimus, memorare necesse est.
 Ipsa palam se se recluso pectore produnt
 Crimina, nec labes, quarum sibi cōscia mens est;
 Dissimulare valet: scelerum patuere recessus :

Turba. Heu heu quis Superūm nostri penetralia
 reorum, — cordis

Prodidit? En tacitis animis quæcumque latebāt,
 In lucem data sunt: Quæ nunc de montibus altis
 Silva premet miseros, & scæda comantibus vm-
 bris

Ora teget? quis nunc abrupto littore pontus
 Infames vultus superantibus obruat vndis?

Adam. Ipse etiā accedam post omnes vltimus actor:
 Utque alijs hominum causas & facta relinquam,
 Te mea verba petunt, Acheron: tibi feruidus in-
 sto

Delator: iuuat hīc antiquum explere dolorem
 Longæui senis, & deceptæ coniugis iras.

Tu labes, tu prima lues, tu causa malorum.

Tu miseram insidijs aggressus, & arte puellam,

Vipeream inspiras tabem, nostramque veneno

Progeniem labente necas. Cur inuida pessis,

Cur mecum conferre pedem, & tentare palēstrā

Non ausus? Quam victa tibi dat femina laudem?

Quin etiam nec te puduit tot iurgia dudum
Iactare, & miseros probris vrgere nocentes?
An te ipso eluuias, monstrumue nocentius vllum est?

Corpora nos hebetant, facilemque in crimina mentem

Membra premunt moribunda: tibi sine corpore vita est.

Si ruimus, te te ruimus sua fore malorum.
Tu nullo suaforeruis. Tibi viuida mens est,
Ingeniumque celer: nos noxia corpora tardant.
Te scelerum stimulis agit, ac depellit Olympo
Liuor edax, odiumque Dei, nos blanda voluptas.
Tu Rex omnipotens æquissimus arbiter esto,
Vtrorum impietas grauior: tu numine dextro
Vltorem mihi te præbe, generique meorum.

Chri. Iam longo iactata satis certamine lis est.

Vltima nunc dubijs quæ stet sententia rebus,
Accipite: ac primum tu Dax Cocytius iras
Experire meas, tu primis semper ab annis
Infensus mihi: tu nostris auersus ab æuo
Laudibus, ac sceptris. Quas, implacabile monstrum,

Arxisti in furias, cum prima ab origine mundi
Debita fata mihi, & Diuinæ Proles honores
Vidisti? Iam tum rabie, diraque superbus
Ambitione furis: cessisti pulsus Olympo:
An modus inuidiæ positus? num pectus & iræ
Detumueret tuæ? fremis, atque horrentia rursus
Bella cies, & dum mea Numina perdere certas,
Portentis scelerum misces, & cladibus orbem.
An vitæ, an capiti potuisti parcere nostro?

An

An veritus me, me latronum more necandum
Erigere in truncos, lacerisque aduoluere saxum
Artubus, & tristi corpus temerare sepulchro?
Pridem etiam Christos alios, aliamque salutem
Mentitus, bellum repetens, & cœde meorum
Templa, domosque rigas. Heu plus satis inuida
Cœlo:

Impatensque iugi & domitari nescia pestis!
Nunc sceptrum excutiam terræ, pelagoque ti-
mendum,

Nunc in vincla manus adigam: nunc compede
vinctos

Teque, tuosque premam, & stygio sub carcere
mergam:

Nec superas dabitur posthac errare per auras:

Ach. Heu meliora precor, neu tantas incute clades
Christe potens rerum, nec Adæ clamosa senectus
Te moueat: nos ille odijs oppugnat iniquis.

Chri. Nec tacuisse potes? Michael immitia frænīs
Ora premas. Hominum nunc pandere crimina
tempus.

O prorsum imperijs genus intra&abile nostris,
Hæc est illa dies, in quam spectabat ab ævo
Annorum series: hanc vobis tota vetustas,
Hanc Diuum monita, hanc vatum cortina mi-
nata est.

Vos-ne meas ausi leges rescindere, vos me
Posthabito stygii iurare in verba Magistri?
Quod facinus, quæ culpa mea est? nisi crimen
& hoc est,

Sparsisse immemori, ac stolidę tot munera plebi.
Mitto ea, quæ dudum memorarunt plurima nostri
Cœ-

Coelicolæ; mitto, vobis quæ cognita tantum.

Non vno potui fera corda euincere dono,
Quod mihi, cui Genitor Deus est, cui fidera pa-
rent,

Vestri fidus amor vestros circumdedit artus.

Quid memorem infandos casus, vitæq; labores,
Frigora, probra, famem, variosque per oppida
cursus?

Quidue dolis, falsoq; agitatam crimine cædem
Exequar? Aspicite hæc sæui monumenta doloris,
Quadrifidamque trabem, mersumque in viscera
ferrum. (1)

Quæ potui maiora? quibus meus excidit vnquã
Officijs infractus amor? Sed quæ mihi contra est
Gratia pro meritis? quæ digna rependitis ipsi
Munera muneribus? Quoties vidistis egentem? (2)
Frigentem quoties? quoties & amica rogantem
Hospitia, & cererem exiguam; tenuemque la-
cernam?

An testis inopem, an lacerum fouistis amictu?

An ne fame, aut morbo pallentem, aut carcere
vinctum,

Solari auxilio, aut dictis lenire dolorem

Dignati? O rabidas animas, ò ferrea gentis

Pectora! quæ vobis circum præcordia cautès?

Aut quæ dura filex?

Hierob. Ne, clementissime Iudex,

Hæc scelera, has laces ingrati pectoris in te

Objicias miseris. An te, ditissime Regum, (3)

Vi-

1 Tunc parebit signum filij hominis in Cælo. Matt. 30.

2 Esurius enim, & non dedistis &c. Matt. 25.

3 Domine quando te vidimus esurientem &c. Ibid.

Vidimus in terris vnquam, morboque grauātū,
Enectumq: fame, aut cōfectum frigore membra.

O nobis vtinam veniffes obuius vnquam?

Quæ fuimus gemmis, auroque intexta daturi
pallia? quæ lautis passim conuiuia mensis?

Quot thalamos, & quot saturata cubilia cedro?

Chri. Nulla fides dictis; nequicquam hæc mœnna
magno

Ore sonas: quicumque meos contempsit alum-
nos, (1)

Aut famulos, hic me in famulis cōtēpsit egentē.

Iamque adeo immites animos, quos munere
nullo

Admonuit Superūm pietas, modo Tartara sæuo
Igne domēt: procul hinc aspectu absistite nostro.

Discedite Maledicti in ignem æternum.

ITe sub æterni nigrantes carceris ignes,
Ite, ò vipereæ pestes: ite agmina flammis
Debita: nulla mora est: sub cæci abrupta ba-
rathri

Ite, nec has auras vestro temerate veneno,

Ite mihi malè grata cohors, malè grata Parenti.

Hierob. Quò Superūm Pater, & nostræ spes vna sa-
lutis,

Præcipitare iubes? In quas depellimur oras?

Quæ subeunda tuis, Cœli quibus astra parabas,

Exilia? An ne tuo seruata sanguine gentem

Tradis in Eumenidum furias? Vbi nam tuus ille

Ne

1 Quod vñ ex minimis meis fecistis, mihi fecistis: Matt. 10.

Nequicquam memoratus amor? tantūmne labores

Verberaq; & vepres, & crux tolerata peribunt?

Chri. Non vllus veniæ locus est: hæc omnia quondā
Profuerant, nunc vos, fuerant quæcumque saluti,
Exitio grauiore premunt; pænæque minantur.

Hierob. ad Angelos Tutelares Vos ò Cælicolæ casus miserescite nostri,
Quos Deus omnipotens vitam legauit
in omnem

Custodes miseris: experti munera semper
Vestra sumus: deeritne extremo vestra labori
Dexteræ? Si placidis clauum rexistis in undis,
Quid nūc tam rapida iactatam turbine puppim
Deferitis?

Raph. Mansit, dum spes incerta futuri,
Nec dum extincta salus, nec vestris ultima rebus
Orta dies fuerat, noster non defuit vlli
Aut labor, aut studium: suffecimus omnia vobis
Auxilia; at quando vobis mens improba nullis
Officijs mutata loco, nec verbere victa est,
Nec monitis; modo nos etiam producimus enses
In capita, & sæuos vobis accendimūs ignes.

Hierob. ad Sanctos. O Diuūm chorus, ò legio veneranda
piorum,

Ad vos confugimus, vestram per numina Cæli
Obtestamur opem: vos hoc miserabile vulgus
Respicite, indignamque luem, & data corpora
flammis.

Hic tantum locus auxilio est, hoc tempore
solūm

Sperandum miseris: postquam nos tristis habebit

Tartarus, & fœdos Herebi trademur in amnes.
Quid nostri gemitus? quid lamentabile marmur
Quidue manus vestræ poterunt? Nunc optima
rerum

Præsidia

D. Petr. Olcelerata cohors, attollere vultus
Infandos audetis adhuc, veniamque precari?
Nulla salus feros gemitus, luctumque sequetur.
Sic tumor ille animi, sic flexi nescia ceruix
Subsidat: sic est vitæ pensanda voluptas,
Sic grauis ambitio, lautæ sic fercula mensæ.

Hierob. ad Virginem. Quæ iam spes reliqua est? quæ nunc ho-
minumque, Deumque

Imploranda fides? Ad te, placidissima Virgo,
Cui Deus, & Pater est, & Matri Filius idem,
Labentes oculos, & brachia supplice dextra
Tendimus, in gremiisque tuis, ô Diua, salutem
Ponimus: ardentis demulce pectora Nati,
Iratos compone animos, blandire furenti.
Nunc pectus niueum, & Materni pignus amoris
Vbera, fœcundosque sinus, & viscera profer.
S. Mar. Non opus hic Natum, Matremque vrgere
querelis:

Certa lues vobis, prece nec reuocabilis vlla est.
Ipsa ego, quæ vestros semper miserata labores,
Nunc flammæ, & tela paro.
Hierob. Quis deinde vocandus?

Quis vota, & lacrymas, atque imo ex pectore
voces

Audiat? Aduersis infrendent omnia relis.
Hinc Iudex fremit, atq; aspectu turbidus instat,
Hinc & fulmineos enses, hastasque coruscant

Cæ:

Cælicolæ : hinc terrent librata cuspide Diui .
Circumstant rapidæ Eumenides , stridentque
catenis,

Et prædæ iamdudum inhiant: iam mugit Auerni
Sub pedibus tremefacta domus : iam prorsus
alumnos

Indignatâ suos detrectat pondera tellus .

Quocumque inciderint oculi, quascumq; relictâ
Vertimur in facies , arma vndique , & vndique
clades .

Cogimur heu rursus tua poscere numina, Iudex;
Iesu, in te suprema salus, tibi dulce salutis
Nomen inest: an non æquabis nomina factis?
Quod si non superâ dignaris sedē nocentes,
Idque Patris mandata vetant, non astra roga-
mus :

Da tandem placidis miseros consistere terris .

Chris. Haudquaquam placidis: terrarum abrupta
petendum,

Sæuus vbi flammis manes exercet Auernus .

Hierob. Si flammæ , Erebumque iubes , nec mitior
vllus

Est locus ad pœnas, da certos cladibus annos,

Da tenebris, ignique modum .

Chris. Modus vnus Auerni

Ignibus est, caruisse modo : non vlla vetustas ,
Nulla dies, nox nulla luem, mortemque leuabit.

Mors erit in flammis non vlli obnoxia morti :

Mortua mors viuet, nam mortē inuita sequetur

Vita comes, simul & vitam mors nescia mortis.

Hierob. O cladem nullis æquandam fletibus vnquâ,

Quam non longa dies, annosæque leniet ætas.

Ovi-

O vitæ lethale malum, cui nulla senectus
 Ultima, nec tumulus, nec mors optata subibit.
 Ergo nec requies tanto concessa dolori?
 Nec lacrymæ finem accipient? Phlegetontis in
 ignes

Deiecti, totos mæsti plorabimus annos?
 Tristiaque æterno ducemus secula luctu?
 Da saltem, Rex omnipotens, carosque sodales,
 Et fidos comites: sint, qui sub Tartara nostram
 Solentur, doleantque vicem.

Chri. Socia agmina iungam

Illæ eadem, quæ me quondam placuere relicto.
 Ibitis immixti ducibus flammantis Auerni!
 Hi socij, & casus hæc sint solatia vestri.
 Nec mora. Vos acies Superûm raptate sub um-
 bras

Infandum vulgus: trahite, & quæcunque labo-
 rum,

Pænarumque lues fuerant mortalibus ægris,
 Hæc etiam accedant Erebo, fatisque nocentum.
 Tu Michael, postquam fontes demiseris Orco,
 Adde seras centum, centumq; ad limina vetes.
 At vos interea, quos ad meliora vocauit
 Fata Parens, nostriq; dedit decus esse triumphi,
 Mania felicitis mecum conscendite Regni.

SCENA SEXTA.

Ascendentes Beati cum Christo canunt.

Tibi progenies vnica Patris;
 Magnæque Pater maxime Proles,

Da-

Damus arguto pectine laudes,
 Tremuloque chelin verberare plectimus:
 Tu, quæ versat sidera mundus,
 Tu quas fruges dædala tellus
 Alit, & quicquid pontus, & æther
 Cohibent, nostros condis in usus.
 Tu nostros Deus induis artus,
 Passusque necem crimina diluis:
 Cruce tu victus vincis Auernum,
 Imoque Patres carcere vindicas.
 Dum nos Erebi monstra lacefferent,
 Tua nos clypeo dextera textit:
 Dum iussa darent impia Reges
 Tu iussa dabas temnere Regum.
 Tu multa inter millia lectos,
 Tibi nos socios in sceptrâ vocas.
 Ergo sequimur quocumque trahis,
 Et festa tibi carmina pangimus.

S C E N A S E P T I M A .

Scelesti frustra opem implorantes in Tartara
compelluntur.

*Hieroboam, Antichristus, Cræsus, Sardanapalus,
Michael, Turba reorum.*

Hierob. O Fortunatos nimium, quos aurea Cæli,
 Et benè grata domus, Superùm stipan-
 te Senatu

Excipit. Enquantos vobis pulcherrima cantus
 Astra mouent, quantoque resultant sidera plausu!
Vos

Vos fortunati: vobis nascentibus æther
Risit, laxauitque sinus fortuna secundos.

Vos hæc festa dies, hæc fors optata manebat:

At nos exilio longè cælestibus oris

Eiecti, stygiæ nocti & pallentibus umbris

A Eternas damur in clades. Proh exitus impar

Amborum! ò nimium fatis distantia vestris

Fata Erebi, in melius nullis mutanda diebus!

Antich. Quæ vis tanta, precor, quæ tanta potentia,
me me

Tot quondam insignem sceptris, & regna mouentem

Egit in has tenebras, & miscuit omnia luctu?

Christum ego mentitus quondam, Daudis in
aulam

Inuasi: mihi Roma ferox, mihi Memphis, & Indus

Succubuit, Lybiamque suam mihi tradidit Ammon.

Nunc contra, ò subitos Cæli de vertice casus!

In tristes agor en domita ceruice triumphos.

Quò nunc sceptrum manu verso? cur aurea frontem

Serta premunt? Anne hæc ardebunt vincula collo?

Abstant procul hinc onera infelicia dextræ

Et capitis, mihi quæ tantos peperere dolores:

Ite triumphales, quondam mea gaudia, laurus.

Cræsus. Ergo hæc pauperies Cræsum, sordescque manebant?

Hic squalor subeundus erat? Nec talia quondam

Atticus ille Solon Cræso metuenda canebat.

Quò fugit nitor ille auri? quò testæ pyropis

Igneæ? quò Lydæ splendor, quò gloria gazæ?

Omnia mors rapuit: oculos mihi liquit inanes:

Eheu nulla manet Cræsi dominantis imago .

Nudus, inops tra hitur sub olētē Crēsus Auernū.

Sardan. Quò fessum rapitis furia? quò mollia mēbra
Purpureis assueta thoris? quò segnia luxu
Corpora? Me miserum, quānam hæc noua tem-
pora rerum?

Duros Eumenidum thalamos, flammaeq; luendū

Assyrio Regi, solito dare tempora circum

Liliaq; & myrtum, & plenis accumbere mensis:

In venerem toto venari ex orbe puellas,

Nocturnas æquare vices, æquare diurnas

Delicijs, & nunc somnos, nunc ducere ludos.

Hei mihi quis robur membris imbellibus addat?

Et teneros artus stygios obduret in ignes?

Mich. Desinite hos gemitus: olim deslere decebat,

Cum fuerat viuis melior data copia flendi:

Sistite nūc lacrymas, nec ducite tempora luctu:

A Eternū dabitur stygijs lugere sub antris.

Cōdite nūc capita in fauces bipatentis Auerni.

Hierob. Nō vnquā has Erebi coges intrare tenebras:

Malumus hic ferro excindi, quā nigra videre

Tartara: Tellurem manibus prensabimus vncis:

Defigemus humi stabili vestigia gressu,

Atque immota solo sternemus membra supini.

Hic gladium, hic sæuos molire nocētibus ignes.

Mich. Corpora nequicquam terrę resupina dedistis;

Pallentes iter hinc etiam pandetur in vmbas.

Nunc, Acheron, iubeo rupta tellure dehiscas,

Præcipitesque viros ima in penetralia Ditis

Abripias.

Turb. reor Heu, heu, heu, heu, heu, heu, heu, heu, heu.

Mich. Nūc ego demersos impresso ter pede calcās,

Ferratos toribus defigo in secula vinctes.

*Errata**Corrige :*

p. 10. v. 13.	Rethores	Rhetores
p. 11. v. 19.	rapido	rabido
p. 23. v. 20.	nabia	nablia
p. 32. v. 12.	examines	exanimes
p. 40. v. 6.	cēdes.	cēdes
p. 49. v. 16.	diuturnę	diuturna
p. 56. v. 26.	factus	factum
p. 59. v. 14.	raptę	ruptę
v. 15. in marg. deest		Sephron
p. 65. v. 6.	rapidisque	rabidisque
v. 13.	carcer	carcer
p. 91. v. 2.	membra .	membra ?
p. 92. v. 21.	producimus	procudimus
p. 93. v. 1.	amnes .	amnes
p. 94. v. 7.	indignatā	indignata
p. 95. v. 13.	Auerni ?	Auerni ;

IOANNES P A V L V S O L I V A
Præpositus Generalis Soc. Iesu :

CUm Tragœdiam, quę inscribitur *Christus Index* à bo. me. P. Stephano Tuccio nostræ Societatis, dum viueret, Religioso conscriptam aliquot eiusdem Societatis Theologi recognouerint, & in lucem edi posse probauerint, facultatem concedimus, vt typis mandetur, si ijs, ad quos pertinet, ita videbitur. Cuius rei gratia has literas manu nostra subscriptas, sigilloque nostro munitas dedimus. Romæ 6. Aprilis 1673.

Ioannes Paulus Olina.